



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

### **Правила пользования**

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

### **О программе**

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.

Ann. g. 34

Digitized by Google

and Co. Ltd.  
Wharf,  
Essex.





Ն Ե Ր Բ Ո Ղ Ե Ա Ն

Ի ՍՈՒՐԲ ՔԱՌԱՍՈՒՆՍՆ

ԵՒ ՎԱՐԳ

Ս. ԻՇԻՍԱՅՆ ՍԱՀԱԿԱՅ

Ե Ի

ՀԱՄԱԶԱՍՊԱՑ

*252*

*110*

ՎԵՆԵՏԻԿ

Ի ՏՊԱՐԱՆԻ ՄԻՒԹԱՐԵԱՆՑ

Ռ 3 Գ

*Ann. 9. 34*



ሀ በ ቀ ኑ ሰ ቶ

ኒ ሀ ፀ ካ ሀ ካ ሀ ኔ ቶ

ቶ.





**ՍԻՍԻԱՆՈՍԻ**  
**ՀԱՅՈՑ ՎԱՐԴԱՊԵՏԻ**  
**Ն Ե Ր Բ Ո Ղ Ե Ա Ն**  
**Ի ՍՈՒՐԲ ՔԱՌԱՍՈՒՆՍՆ**



**Ի ՎԵՆԵՏԻԿ**  
**Ի Տպարանի Մխիթարեանց**

**Ռ Ե Գ - 1854**

ԵՐԱՆԵԼԻՈՅ ՍԻՍԻԱՆՈՍԻ

ՎԱՐԴԱԳԵՑԻ

ԽՕՍՔ ԱՍՏՑԵԱԼ ՅԱՄԵՆԱԺՈՂՈՎ

ՏՕՆԻ ՍՐԲՈՑ ԳԱՌԱՄԵՒԾՆ

Ի ԽԵՂՐՈՑ ԺՈՂՈՎՈՅՆ

Ի ՆՄԻՆ ԳԱՂԱՔԻՆ ՍԵՐԱՍՏԻԱՑԻ

ՅԵՎԵՂԵՑԻՈՋ ՍՐԲՈՑ ԳՐԱՌԱՄԵՒԾՆ

ԵՒ Ի ԽՈՐՀԱԿՈՑ ՍՐԲՈՑ

ԳՐԱՌԱՄԵՒԾՆ ԳՂՈՐԶԵՑԻՑՆ





ԶՄԵԾ գթութիւնն Աստուծոյ և զմարդասիրութիւնն ածել միշտ զմտաւ հրաման ընկալաք յաստուածաշունչ գրոց, և զգոհացողականն հատուցանել օրհնութիւնս: Եւ յաւէտ պարտական դտանել առ սէր արարչական խնամոցն յամենայնի բարեբանութեամբ գոհացող լինել զԱստուծոյ և զՀօրէ, և երբէք ոչ մոռանալ. յայժմոս զապագայիցն տեսութիւնս ՚ի միտ առնուլ քրիստոսական հանճարով, և որ լինելոցն է մեզ պայծառութիւն նորոգական կենացն. զոր ծածկեալ Քրիստոսիւ առ Աստուած իմանամք հաւատովք. և նայեցողութիւն մեր հոգւոյ ականբ յայտոսիկ կացցէ վերամբարձեալ. զի յորժամ յայտնեսցի յուսալին մեր կեանքն Քրիստոս, յայնժամ և մեք ընդ

նմա երեւեսցուք երկնաւոր փառօք, նորին պարգեւեալ մեզ զայս սոսիկ՝ 'ի մեզ զնորայն տեսանն զփառս : Եւ այսոքիկ ասացեալք ոչ երկբայելի և ոչ յերկուանալի այլ ստուգութեամբ և հաւաստիքանգի նման նմա եմք լինելոց վասն զի տեսանելոց եմք զնա ոչ պէս և էն, ըստ Յովհաննու առաքելոյն խրատու :

Բայց այժմ, եղբարք, զմարմնո նորա զառաջին գալստեանն զսկ և զողորմութիւն և զփրկութիւն զչնորհան՝ որ 'ի մեզ պարգեւեցաւ հաստատուն հաւատով 'ի հոգի մեր ընկալեալ, արժանապէս զգահացողականն փառատրութիւն փութասցուք վերառաքել, համկրօն խոստովանութեամբ զպտուշքթանց մերոց պատարագ օրհնութեան յամենայն աւուրս յամենայժամ յարատեւակ հանգիսիւք, հինապազորդ օրհնութեամբ, մաքրազարդ և արդարախոհ ճանապարհորդութեամբ 'ի մարմնական կեցազս. օրինակ մեզ ունելով զհա

Ճոյացեալն Աստուծոյ զսրբազան  
 նահատակն, զառաքինի վարուք  
 ճգնեալն և զյաղթող վկայն  
 Քրիստոսի Աստուծոյ մերոյ, որք  
 հետեւեցան խաչելոյն վասն մեր,  
 բազում և սէսսսէս ջարջարանօք և  
 տանջանօք կատարեալք հասին 'ի  
 Քրիստոս յոյն իւրոց հաւատացե-  
 լոց, և եղեն բարեխօս ամենայն աշ-  
 խարհի: Հոս կենաց եղեալ փեղե-  
 րաց յաստուած գիտութիւն լուսա-  
 ւորեցին, զճենճերազոհ և մահա-  
 շունչ կռասպաշտութեան՝ հոգւոյն  
 հոգմով հալածեցին: Եւ արդ նո-  
 ցին բարեխօսութեամբ սահալա-  
 նեալք յԱստուծոյ հասեալ ժամա-  
 նեցաք 'ի հրաշալի և 'ի մեծապայ-  
 ծառ վայելուչ և գեղեցիկ, ցանկալի  
 և փափագելի տօնս փառաւորեալ  
 և մեծանուն վկայիցն Քրիստոսի  
 սրբոց Քառասնիցն: Զայսոսիկ  
 տարւոյ կատարելով զտօնախմբու-  
 թիւնս 'ի սոցայս հռչակելի և բազ-  
 մահամբաւ փեղերագոչ և յոքնե-  
 րանեան 2 սրբազան և մեծապատիւ  
 տօնս հասանել արժանաւորեցաք:

Ասան որոյ 'ի սկիզբն բանից մե-  
 րոց և գովեստի սրբոցն , փառք ա-  
 մենատեառնն կենարարին մերոյ և  
 գոհութիւն 'ի սոցայս յիշատակի .  
 որ զմեր նուաստութիւնս արժանա-  
 ւորեաց յայսպիսի հասանել հան-  
 գիսի սրբոցն լուսաւոր օր վկայու-  
 թեան 3 , և ընդ հրեշտակս պարել  
 հոգեւոր երգովք , աստուածեան  
 լուսով արփիաւորեալ , մտօք արթ-  
 նացեալ , զհոգւոց մերոց մաքրել  
 զտեսարանս : Առողջ և յստակ հայ-  
 եցուածովք զսոցայս տեսցուք զնա-  
 հատակութիւնս . որպէս անգէն  
 իսկ աչօք առ նոսա լինելով յա-  
 պարիսի առաջի դատաւորին և լսել  
 զհարցումնն և զպատասխանինն մին-  
 չեւ 'ի վախճան ճգանցն պատերազ-  
 մին և յաղթութեանն : Ամենայնի  
 տեսող լինիցիք հոգեւոր աչօք , և  
 մարտակից նոցունց չարչարանացն  
 վշտակցութեամբ . միաբանութեամբ  
 հաւատոյն ընդ նոսին գտանել  
 և աշխատել տարժանմամբ վաս-  
 տակոցն , որպէս զի և վարձուցն  
 հանգիպել յօրն Քրիստոսի :

Եւ արդ իմ զհարկ խնդրոյ ձեր  
 ընկալեալ և զանարդամեծարու-  
 թիւնդ 'ի վեր քան զարժանն իմ,  
 խօսել 'ի տօնի մեծափառ սրբոց քա-  
 ռասնիցն, ոչ զլս արժանի վարկա-  
 նելով նոցա արժանաւորս ինչ ա-  
 սել բան, այլ վասն արժանաւորու-  
 թեան խնդրողացդ և հնազանգու-  
 թեան պատուիրածին յառաջ բե-  
 րից զլմս տկարութեան խօսս լե-  
 զուի : Զնոյն զձեր արժօնս օգնա-  
 կան ունելով իմ ումս անզօրութեան,  
 և զնոսին վկայսն պատուականս բա-  
 բեխօս առ Աստուած տուիչն պար-  
 գեւաց բանից բանաւորացս . զի և  
 ինձ տացի բան 'ի բանալ բերանոյ  
 իմոյ, խօսել զօգուտն հոգւոց 'ի  
 յիշատակի փառաց սրբոցն : Եւ այ-  
 տուհետեւ յիշմամբ անուանց նոցա  
 ըստ իւրաքանչիւր անուան գրոյ ա-  
 ռեալ ասացից, յառաջնմէն ակսեալ  
 մինչեւ ցվերջինն անուանց քառաս-  
 նից սրբոցն : Եւ դուք ունկնդրու-  
 թեամբ լուարուք հոգւով հեղու-  
 թեան, հաւատով ընկալեալ ըզ-  
 օերմն բանից 'ի Քրիստոս :

ՆԵՐԲ . Ի Ս . ԳՆՈՅՍ . 2 .

Դառնութեամբ մաղձի չարեօք  
առլցեալ դժնդակն 'ի թագաւորս  
Լէկիանէս, հակառակն եկեղեցոյ  
Քրիստոսի և քրիստոնէից հալա-  
ծանս յարուցանէր, խաղայր, խըն-  
դայր չարեացն խորհրդածուն, նո-  
րագոյն տանջանարանս գտանէր,  
տայր հրաման գատաւորաց ընթա-  
նալ ընդ աշխարհս իւրոյ տէրու-  
թեանն, զքրիստոնէայսն տանջել  
չարաչար հարուածովք: Ա՛յ մնո՛ր-  
ութեանն. հրապուրեալն 'ի դի-  
ւաց հաստատութիւն հզօր զայս հա-  
մարէր իւրոյ թագաւորութեանն.  
ցանկայր արեամբ սրբոցն զերկիրն  
լնուլ. կատարեալ 4 չարեացն գտակ  
լինէր, և անուն առնոյր դից բարե-  
պաշտ 5 լինել. զարդարէր զկուռս,  
զօրանայր չարեօք, խրոխտայր, գո-  
ռայր, գօչէր, ընդդէմ Քրիստոսի  
հակառակ խորհէր աւերմամբ եկե-  
ղեցոյ: Մեծամեծացն տայր սա-  
տուէր. Մի գագարէք սպանանել  
զքրիստոնէայսն զորս գտանէք. սի-  
րելի իմ նա է, որ զհրամանս իմ  
կատարէ, և զհակառակս աստուա-



ծոցն մերոց խապառ կոտորէ . իոկ որ ընդդէմ հրամանաց մերոց լինիցի , բազում տանջանօք չարչարեացի և կորիցէ :

Եկն եհաս այնպիսի հրաման հրովարտակաց յամենայն գաւառս և 'ի քաղաքս . ծաւալեցաւ , տարածեցաւ , փութով հասաւ յամենայն տեղիս առ գատաւորս և իշխանս , և շինեցաւ պատերազմ մոլեկան 6 թագաւորին կոտորել զիւր զօրան անխնայօբար : Տեռանէք , եղբարք , զազէտիցս տարուկուսանս առ քրիստոնեայս և զՔրիստոսի ներողութիւնն : Նեղութի տանջանացն բազմանայր . և սէր նահատակացն բորբոքէր առ Քրիստոս . խոցումն և խողտողումն սրբոցն խստանայր , և խաչին խորհուրդ հաւատով պայծառանայր : Դիւարնակն Լիկիանէս ցիծայր 'ի կռոցն պաշտօն , և դեւք սարսէին 'ի նահատակացն հալածեալք : Ի յայսմ ժամանակի քառասուն վըկայքս միահաւատ , քրիստոսակրօն , միագունդ զօրականք 'ի կապագո՛վկեցւոց գաւառէն Գամրաց 'ի

միասին գասեալք, միաբան սիրով  
 ընդ միմեանս յարմարեալք, բանիւք  
 և գործովք՝ ի Քրիստոս հաւատոցն  
 միախորհք: Արդ սոքա ըմբռնեալ  
 լինէին ՚ի նմին ժամանակի վասն  
 Քրիստոսի հաւատոցն և խոստովա-  
 նութեան յանօրէն դատաւորէն Սե-  
 բաստիոյ քաղաքին, որ զքննութիւն  
 այնմ կողման հաւատացեալ ունէր:  
 Ժամ գտեալ յատենի կացուցանել  
 զճշմարիտան 7 զայնոսիկ՝ հարց և  
 փորձ առնէր վասն հաւատոցնոցա .  
 բռնադատէր ապա զնոսա հաւա-  
 նել և զոհել աստուածոցն:

Նոքա այնուհետեւ խոստովա-  
 նէին զՔրիստոս միայն ճշմարիտ Աս-  
 տուած . համարձակութեամբ տալ-  
 ին պատասխանի, ոչ զանգիտէին ՚ի  
 ցամամանէ, ոչ ցանկանային պա-  
 տուոյ . արհամարհեալ լինէր մե-  
 ծութիւն . տանջանք ոչ զարհուրե-  
 ցուցին . խօսք ողորանաց ոչ պատ-  
 րեցին, գառնութիւն գիմաց գա-  
 տաւորին ոչ երկեցոյց . յոյս նոցա  
 հաստատուն էր որպէս լեառն  
 Սիոնն անասանելի: Ո՛վ պայծառ

տեսութեան արդարոց անձանց  
 փաճայնութեան . քառասուն թը-  
 ւով լեալ անձինք 8 , 'ի մի բերան  
 տային պատասխանի . Քրիստո-  
 նեայք եմք , Քրիստոսի ծառայք :  
 Բարբառ ամենեցուն մի լեալ , վասն  
 զի յոյսն ամենեցուն մի միայն Քրիս-  
 տոս . ըստ նմին և բարբառ նոցա  
 միաբան ելանէր . քաջալերէին զմի-  
 մեանս անշարժ կալ յիւրեանցն  
 փրկիչ դաւանութեամբ : Սիրելի է  
 ինձ յայսմ վայրի հանգիսանալ  
 անյագարար զնոցայն յեղյեղուլ ըզ-  
 բանիցն ասացուած . իմաստասիրա-  
 բար 9 զնոցա սէրն որ առ Քրիստոս՝  
 տեսանել . 'ի մի միաբանութիւն հա-  
 ւատոց գործովք յանդիման կա-  
 ցեալ Քրիստոսի , բիւրապատիկ բա-  
 րութեանց եղեն մեզ առիթք , մա-  
 քրեալք զհոգւոց մերոց մթացուցիչ  
 խորհուրդս համակամ իւրեանց ա-  
 ղութիւք :

Կապեցին ապա զսուրբան և ար-  
 կին 'ի բանդ թերեւս ահացու-  
 ցեն 10 զնոսա , այլ նոքա անգրգուե-  
 լի յուսով յօգնականութիւն զԱս-

տուած կարդային , աղօթս ձիգս և  
յերկարս մատուցանելով . զի տացէ  
նոցա յաղթել<sup>11</sup> չարին խորհրդոց ,  
և ցանկային մեռանել վասն հաւա-  
տոցն Քրիստոսի խոստովանու-  
թեամբ՝ յուսոյն կենաց ակն ունե-  
լով : Իբր նոքա յայն մաղթանս յոր-  
դորագոյնք էին հառաչմամբ սրտից ,  
երեւեալ նոցա փրկիչն քաջալե-  
րեաց հաստատուն կալ : Որոց տե-  
սեալ զտէր միաբան սիրով յօժա-  
րագոյնք ըղձանային վկայական առ-  
նուլ անուն և թողուլ յիշատակ  
քաջութեան . բերկրալի ձայնիւ  
սաղմոսէին , երգ հոգեւոր հօր 'ի  
բարձունս առաքելով : Ի՞ծ դասեալ  
անձանց զօրութեանց զտէրունական  
երեւումնն , եւս առաւել հաստա-  
տագոյն յուսով յայտնապէս խօ-  
սէին զիւրեանց քաջութիւնսն 'ի  
մարտ սլատերազմի առաջի մարմնա-  
ւոր և մահկանացու թագաւորաց  
առանց բաժանման մնալ և յայնմ  
հանգիսի : Բաբունաբար յառաջ  
բերեալ զբանս վարդապետէին մի-  
մեանց . որպէս յայնս , ասեն , յազ-

Թեցաք և երեւելի դառաք, սապէս  
 և յայսմ յաղթեսցուք և առցուք  
 դովուժիւնս յանմահ թագաւորէն  
 մերմէ . շահեսցուք ապա և զարքայ-  
 ութիւնն, միաբան մարտիցուք և  
 ըստ օրինի, զի պսակեսցուք:

Իբրեւ անցանէին աւուրք ինչ 'ի  
 վերայ, միւսանգամ ատեան գնէր  
 դատաւորն . յաւելոյր և ժողով տե-  
 սողացն . քանզի անդ հասանէր և  
 գուքսն : Սուրբքն ածան առաջի  
 անտրտում և զուարթ երեսօք իբր  
 'ի մեծ ուրախութիւն . խորհուրդք  
 նոցա լի ազօթիւք և սրտիւք յերկինս :  
 Ղամբար վառեալ զհաւաացն ճը-  
 րագ 'ի ձեռս 12 իւրեանց ունելով,  
 զի լոյս տայցեն տեսողացն հոգւով  
 զնոցա ճգանցն տեսակ : Այսու  
 գիմօք կացեալ յատենի, 'ի հարցա-  
 նելն զնոսա զնոյն աային պատաս-  
 խանի զոր յառաջնում նուագին,  
 զՔրիստոս խոստովանել և ոչ ուրա-  
 նալ զնա բնաւ : Ուստի և յանդի-  
 մանեցին աստուածիմաստ բանիւք  
 զանոսի նոցա պաշտամունս գեւս  
 անուանելով և կուռս, և զնոսին դի-

ւապաշտս և մոլորեալս , նաեւ խա-  
 ւարեալս , և առանց լուսոյ , մտռախ-  
 լասպատս և միգազգածո , անաս-  
 տուածս և մոլեգնեալս , և բնաւ իսկ  
 անիմաստ մոլորութեամբ բարբա-  
 շեալս : Սրբոցն զայս ինչ համարձակ  
 խօսեցեալ , սաստ սպառնալեացն  
 շարժեցաւ , այնուհետեւ հրամայե-  
 ցաւ սպասաւոր զօրացն ամպարըշ-  
 տաց հարկանել քարիւ զբերանս  
 նոցա և խորտակել : Իբրեւ սկսան  
 քարաձիգ լինել 'ի վկայսն , զմի-  
 մեանս քարկոծէին : Ո՛վ զարմանա-  
 լեացն . զնօսա կարծելով 13 խոր-  
 տակել՝ ինքեանք ընդունէին զհա-  
 րուածսն : Այսպէս հրաշագոր-  
 ծեալ Աստուծոյ , զի անդէն 'ի ծոցս  
 իւրեանց ընկալցին զհատուցումն  
 եւթն չարեացն եւթնպատիկ : Ո-  
 րով զչարեալ և գուքսն ցասամբ ,  
 առեալ վէմ կամեցեալ հարկանել  
 զսուրբսն , յերեսս գատաւորին գի-  
 պեր և շարգեր զանամօթեալն լըր-  
 բութեամբ 'ի պաշտօն գիւացն :  
 Հիւթիւ Հոգւոյն այսոքիկ գոր-  
 ծիւր , զի յամօթ լիցին ոք չարիս

նիւթէին օթեզանայն հողւոյն սրբ-  
 բոյ . որպէս հուրն Բարեւոնի երկց  
 մանկանցն ցօղազին լինէր . իսկ ըզ-  
 քաղզէացիսն այրէր և բորբոքէր ,  
 այսպէս և այժմ գործեցաւ : Յորս  
 ձգէին քարինս՝ նոքա անմնասք , և  
 քարածիգքն 14 քարավէժ լեալ .  
 իսկ գունգն սրբազան լի խնդու-  
 թեամբ և զուարճ տեսլեամբ : Ալեր  
 առաքելին այնուհետեւ զգոհու-  
 թիւն և ասէին . Թշնամիք մեր տկա-  
 րացան և անկան , այլ մեք յարեալք  
 և ուղղութեամբ ապրեցաք : Արգա-  
 րեւ կատարեցաւ երգն Դաւթի .  
 Սուրբ նոցա մտցեն ՚ի սիրտս նոցա  
 և աղեղունք նոցա փշրեցան : Այլ  
 սրբոց աղօթքն վերամբարձեալ լու-  
 սով ՚ի յերկնուստ առյցեալ լի-  
 նէին , և մնացին հաստատուն ՚ի հա-  
 ւատս :

Արգ իբրեւ այս այսպէս լինէր ,  
 գտրձեալ արկին զնոսա ՚ի բանգ , ՚ի  
 բանգին մարմնով արգելեալք և  
 հաւատքն անարգել և անխափան  
 լինէր ՚ի հողւոջ նոցունց . քանզի  
 ազաւել եւս խնդութեամբ աղօ-

Թէին և անվեհեր զմիմեանս արիա-  
բար քաջալերէին : Ղուզեալ զխոր-  
հուրդս մտաց իւրեանց անխոնար-  
հելի , 'ի վեր ամբարձեալ յերկինս  
առ Աստուած հայեցողութեամբ 15  
ջրոյն կենաց փափագելով ջանային  
ջերմեռանդն սիրով ընդ Քրիստո-  
սի լինել . և Թեթեւ Թուէր յաչս  
նոցա առժամանակեայ նեղութիւն  
մարմնոյ տանջանաց : Եւ իբրեւ նո-  
քա զայն ցանկային և խնդրէին ,  
դարձեալ յայտնապէս երեւէր նո-  
ցա տէր Յիսուս և ասէր . Ամենայն  
որ հաւատայ յիս , Թէպէտ և մե-  
ռանի՝ կեցցէ . քաջալերեցարուք ,  
և մի երկնցիք , ես ընդ ձեզ եմ . չար-  
չարանքդ առժամանակեայ են , այլ  
հատուցումն վարձուցն զոր ես տաց՝  
յուրիտենական : Սակաւ մի , առէ .  
համբերեցէք և ընկալիք զանթա-  
ռամ փառաց պսակն . բազմակունք  
պատրաստեալ են ձեզ 'ի տան Հօր  
իմոյ 'ի սկզբանէ աւուրց աշխարհի .  
'ի յերկրի նահատակիք և 'ի յեր-  
կինս պսակիցիք . մեծամեծս ընդ  
փոքուգ վարձատրեցից ձեզ , ով սի-  
րելիք իմ :



Եւ ապա երջանիկն գաս ծանուցեալ զհաւատոցն պայման, շնորհալից ցնծութեամբ զաւետեացն առեալ հրաւեր 'ի տէր աւետեացն տային զյոյսն : Երկին զբանդն էր տեսանել . հրեշտակս մարմնաւորս զարգելեալ սուրբս 'ի բանդին . փառք 'ի բարձունս էր բարբառ հասարակաց բանաւոր ուրբ գնդին : Իւսեալ ընդ միմեանս հոգէզարդ միութեամբ հոգւովեռաց 16 հաւատոցն հետեւմամբ, անխախտա մնալ հայցէին յԱստուծոյ յոր կոչեցանն կոչումն վկայական հանդիսին . եռահրաշ զինու վառեալ յուսով սիրով և հաւատով, կենօք և մահու կենարարին ընծայեալ բոլորապտուղ պատարագ : Տեսցուք աստանօր զաստուածազան խոստովանութիւնն արդարախոհ մտօք և նմանեսցուք այսպիսեաց վարդապետացս . տացուք և մեք զկեանս մեր Աստուծոյ . գոհացուք և յետ մահու . մի տրամեալ յուսահատեսցուք՝ որովք առաք օրինակ զկատարելոցն : Պայծառապէս 'ի մեծ ա-

տենին հրատարակատես տանջանան  
 իմացեալ 'ի միտ առցուք ընդ հա-  
 լատոցն և գործս ցուցանել որպէս  
 զնոսա, զորս երանեմք այսօր և բա-  
 րեբանեմք նոքօք զՔրիստոս Աս-  
 տուած մեր: Եւ ածեմք յաղերս  
 զնոցա ճգնութիւնն, խնդրելով  
 զհաշտութիւն բնաւ աշխարհի, ո-  
 րով ուսցուք զմիաւորութիւն հա-  
 լատոց, գործոց և վարձուց 17 հա-  
 տուցման:

Հետեւեսցուք դարձեալ անդրէն  
 ընթացուք յոճ կարգի պատմու-  
 թեանն: Եւ ասլա երրորդ անգամ  
 կացեալ յատենի վկայքն Քրիստո-  
 սի, ոչ ինչ լսելոյ արժանի առնէին  
 զբանս բռնաւորին, այլ միայն զիւ-  
 րեանցն ճշմարտութիւն միշտ նոյ-  
 նապէս խոստովանէին. ՉՔրիստոս  
 ոչ ուրանամք, ասէին. որ ինչ ձերդ  
 է կամք և հրամայեալն ձեզ 'ի թա-  
 գաւորէն, կատարեցէք վաղվաղա-  
 կի. քանզի ոչ ինչ կարէ մեկնել  
 զմեզ 'ի սիրոյն Քրիստոսի, ոչ սպառ-  
 նալիք ձեր և ոչ պատիւ, ոչ տան-  
 ջանք և ոչ չարչարանք, ոչ հուր և

ոչ սուր, ոչ կեանքս անցաւոր և ոչ  
 մահ, քանզի յարուժեան հաւա-  
 տամք : Դուք զմեզ ոչ կարէք յաղ-  
 թահարել, զի խորհրդակից ձեր  
 սատանայ է և զօրացուցիչ մեր Քրիս-  
 տոս : Իսկ դատաւորն յամօթ լեալ,  
 միանգամայն և մրմուռալ գաղանա-  
 բար՝ խորհուրդ ՚ի մեջ առեալ մե-  
 ծաջան լինէր : Քննէր զտանջանա-  
 րանս, բազմահար մեքենայս կաղ-  
 մել մոյթ ՚ի մեջ առնոյր, զբարձա-  
 կիցսն հարցանէր . Արմլ սպանմամբ  
 չարամեռ արասցուք զայսպիսի ան-  
 դարձ գառասպարտելոց անձինս :  
 Ա՛յլ անմտութեանն, մանաւանդ ո՛վ  
 չարին մոլորութեանն . արբեալ էին  
 յիմար մոլորութեամբ, շռայլեալ  
 էին աւելաստացութեամբն, ՚ի կռա-  
 մոլորութիւն 18 չար հողւով էին  
 առլցեալ . դիւաց խորհրդածէին .  
 որովք կորուսանէին զիւրեանց ան-  
 ձանցն զգիւտ . խաւարեալք կու-  
 ռութեամբ մտաց շօշափէին զսատա-  
 նայ : Սերտք իւրեանց լի չարեացն  
 գանձիւք, հանէին զարդիւնացեալն  
 ՚ի խորուջ ստուղ չարութեան :

Կկատէր ապա յեա բազում անօ-  
 թոց տանջանացն և գտանէր զգլխի  
 դակն՝ ի մահարարս : Գիշեր մի պարզ  
 և ցուրտ գառնաշունչ օգով սասա-  
 կասառոյց, որ յոլովագոյն 19 և նոր  
 եհաս այնմ աւուր . ի նմին աւուր  
 ընդ երեկս ի մուտ գիշերոյն կա-  
 պեալ զամենեանն ի միասին մերկօ  
 զսուրբան, արկանէր ի լիճ մի ծո-  
 վու մերձ ի քաղաքն : Աստանօր  
 ճմլի սիրտ իմ և աչք իմ լի արաս-  
 սուօք լինի, նա և լեզուս տկարանայ  
 առ ի պատմել զայնպիսի ազէտս  
 տանջանաց սրբոցն Աստուծոյ . սու-  
 կամ ամենայն անգամօքս և այլայլի  
 միտք իմ յասել զգառն չարչարա-  
 նաց բանսն : Արեգակն զտուրն-  
 ջեան ընթացքն կատարէր . գիշերն  
 խաւարաբեր և օրակուլ սփռէր  
 ծածկէր զաշխարհս . սաստկանայր  
 գառնութիւն օգոյն առ հասարակ  
 ի միասին ժողովէր գժնիկն : Իսկ  
 պպէր այնուհետեւ շուրքն . սառ-  
 նամանիքն շուրջ պատեալ զերանե-  
 լեօքն մածնոյր ընդ մարմինսն, պըն-  
 գէր պարպատէր ճարճատումն 20

ոտկերացն առնէր, արիւնն հոսէր  
 ճրակաբար իբրեւ զյորդահոս աղ-  
 բէւր . ներկէր ապա ջուրքն զանսո-  
 վորն գոյն՝ 21 կարմիր, հիւսիւսային  
 հողմն հնչէր եղեմնարկու 22 և  
 արտառաբեր 23 . հեզոյր 'ի վերայ  
 Բերկ մարմնոցն : Պատառէին մար-  
 վնքն, պաղէր արտաքուստ, և ջեր-  
 մու թիւնն նուազէր 'ի ներքուստ,  
 անտանելի էր ամենայն իրօք, ոլոր-  
 մելի էր և տեսութիւնն, սարսափելի  
 էր և տանջանք : Քաջ նահատակքն  
 զմիմեանս յորդորէին, ձայն զուարթ  
 իրերաց ձայնէին . Պինդ կացցուք,  
 և զբարք, մի վհատեսցուք, մի երկի-  
 ցուք, մի զխորհուրդս խոտորես-  
 ցուք, միաբան մարտիցուք . մի դառ-  
 նութիւն տանջանացս զարհուրե-  
 ցուսցէ, մի՛ պաղէլս մարմնոց մեզկա-  
 ցուսցէ զհոգիս մեր, 'ի յօգնութիւն  
 զԱստուած կարդասցուք, ոչ թո-  
 զու զմեզ . փոխանակեսցուք զա-  
 թիւնս ընդ արեանն Քրիստոսի . տա-  
 ցուք զմեզ փոխարէնս մահու նորա .  
 հոով կիզցի մարմինս մեր պատա-  
 ճադ՝ հրով հոգւոյն վառեալ . սէրն

մեր առ Քրիստոս ջրով մխեսցի,  
տրոհեսցի մարմինքս, հեղցի արիւնս.  
միայն հաւատն մեր կացցէ անշար-  
ժելի յուսովն : Որպէս էպքն միա-  
բան 'ի կեանս, և 'ի մեռանելա փ-  
որոշեսցուք 24 . կացցուք միաբան 'ի  
անանջանս, զի զպսակն առցուք . փ-  
յաղթեսցէ սատանայ քառամանիցս՝  
որ մարանչի ընդ մեզ իւրովք խոր-  
հըրդակցօք . այլ մեք յաղթեսցուք  
նմա և փախստական արասցուք ա-  
մօթալի : Սրբոցն այս էր խրատ առ  
միմեանս և ալօթք առ Աստուած,  
և տանջանքն այն տագնապիլի և  
տարակուսանք, և ցաւք անըմբերե-  
լի . այլ նոքա անսասանելիք և ան-  
խռովելիք 25 մնային : Ամենայն ուռ-  
տեք տագնապ, հողմն դառնաշունչ  
և ջուրքն սառամանիք 26 . և նոքա  
'ի մերկուծեան : Իսկ սրբոցն սէր  
անարտախղելի 27 առ յուսալին իւ-  
րեանց :

Եւ իբրեւ այնպիսի ցրտութիւն  
առաջին պահ գիշերոյն խստու-  
թեամբ զօրանայր, մին 'ի նոցանէ  
որում անուռն կոչեցից 28 թշուա.

ևական և տպաշնորհ, արտաքս ելա,  
 նէր 'ի սուրբ գնդէն, առ չժուժել  
 նեղութեան տառամանեաց անկա-  
 նէր 'ի բաղանիան զոր չարահնարքն  
 էին պատրաստեալ վասն այնպիսի  
 պատրանաց . և առժամայն լու-  
 ծեալ հալեցաւ մահուամբ: Աիրա-  
 ւորեցաւ մարմնով և չարգարա-  
 ցաւ հոգւով . կորեաւ մարմնով  
 և ոչ գտաւ հոգւով. չարչարեցաւ  
 և ոչ պատուեցաւ 29 : Այսպիսի  
 է անժուժիցն հանգէս . այսպէս և  
 ծուլիցն վիճակ . աւանդ բախտին .  
 արտասուելի է և սորայս կորուստ,  
 և վշտակցելի յողբս և յաշխար 30 :  
 Նմա բաւական է պարսաւանաց  
 բան իւր կորուստն . այլ 'ի մէնջ  
 արտասուք և ապաշաւ և ոչ ծաղբ  
 զգլորմամբն: Ո՛վ վշտացս, ո՛վ անտա-  
 նելի տապոյս . անդ գոլ մտօքս զիս  
 տեսանեմ և զվախճան ելիցն նկա-  
 տեմ, և նայիմ զտրամութիւն լու-  
 սազարդ սրբազանիցն ողորմելի զկնի  
 հայեցեալք և ապա 'ի միմեանս գար-  
 ձեալ արտասուելից աչք յօնակից  
 լեալ վշտօք վարատեալ ոչխարին, ոչ

բային լալա հառաչ բառաչմամբ 31 .  
 ոչ այնքան ցաւագին էր սառամա-  
 նեացն խստութիւն , որչափ պակաս  
 սուսն էր որն 'ի թուոյն : Ի վեր  
 յերկինս զաչս համբարձեալ ար-  
 տասուահոս պաղատանօք ձայն աչ  
 խարանաց առ բարձրեալն 'ի բարձ-  
 ձունս առաքէին ազերսալի մաղթա-  
 նօք . զտարածումն ձեռաց առ  
 Քրիստոս վերաբերեալ զօգնութիւն  
 խնդրէին՝ մի քայքայել 'ի միմեանց ,  
 և մի սլակասել խորհրդական իւ-  
 րեանց 'ի թուոյն , այլ մնալ քառա-  
 սուն . ընդ Քրիստոսի լինել և պա-  
 կել հաւասար միութեամբ : Անցո  
 տէր , ասէին , զժառայքս քո . և մի  
 'ի գետտ բարկասցիս մեզ , և մի սրբո-  
 մտութիւն քո 'ի վերայ ծովու . մի  
 կորուսաներ զմեզ և մի թողուր ,  
 տէր , յիշեա զխոստումն քո և նայեա  
 'ի տառապանս մեր . ողորմութիւն  
 քո հովանի մեզ եզիցի , և տանջա-  
 նարանս մեր օրհնեացէ զքեզ : Ա  
 պրեցո զմեզ , տէր , զի կարգասցուք  
 զանուն քո զոր օրհնեն ամենայն ա-  
 ռարածք երեւելիք և աներեւոյթք :



Սիրեցաք զքեզ, տէր, 'ի բոլոր սրբ-  
 տէ, և զանձինս մեր ընծայեցաք  
 քեզ պատարագ, որ օրհնեալք ես  
 'ի քո ստեղծուածոց, և քո հրա-  
 մանաւ ամենայն ինչ կարգեալ  
 կայ 32, և քեզ հնազանդին բնաւ  
 գործք քո: Եւ այսպէս 33 բնաւ  
 օրհնութեամբ ընդ բոլոր գործս  
 Աստուծոյ անցանէին յիշմամբ խո-  
 ըոց անդնդոց և հոգմոց, կարկառի,  
 ձեան և սառին և ցրտոյ և մրրկի  
 որք առնեն զբան նորա և կատարեն  
 զհրամանս նորա:

Եւ զառաջին նախահարցն յիշէին  
 զսքանչելիսն զգործսն լուսափայլ  
 խնամոցն որ առ նոսա կատարեցաւ.  
 օգնականութիւնն Աստուծոյ որ  
 առ Յակովբն փրկեալ յԵսաւայ, և  
 զՅովսէփ ապրեցուցեալ ընդ նմա  
 վաճառելով, և զՄովսէսին լսել սրբ-  
 տագոչ աղօթից, և առնել նշանս և  
 արուեստս և աալ շնորհս, մինչ զի  
 ծովահեղձիկ 34 առնել զՓարա-  
 ւոմն: Ի նոյնգ՝ որ զայս հրաշագոր-  
 ծեցեր, յուսացաք. ապրեցո զմեզ,  
 զի մի ընկզմեսցէ զմեզ պտոյտս ջուրց.

օգնեա մեզ, Աստուած փրկիչ մեր,  
 զի աղքատացաք յոյժ: Վասն փա-  
 ռաց անուան քո նայեա 'ի մեզ, զի  
 շուրջ պատեցին զմեզ ստուերք մա-  
 հու. [Թեթեւացո, տէր, զծանրու-  
 թիւն օգոյս: Առ քեզ, տէր, կար-  
 դացաք. լուր մեզ, զի ծանիցեն ան-  
 մենայն ազգք երկրի զփրկութիւն  
 Աստուծոյդ մերոյ, և տացուք մեք  
 փառս անուանդ քո, զի 'ի քեզ ա-  
 պաւինեցաք, տէր Աստուած մեր,  
 կեցո զանձինս մեր: Նոքա զայս ա-  
 սելով 'ի մէջ այնպիսի վտանգիցն՝  
 ահա յանկարծակի զարմանք սքան-  
 չելի և տեսիլ սոսկալի. 'ի նմին ժա-  
 մու գիշերոյն ծագեաց շուրջ զնո-  
 քօք արեւ, ծագեաց և ծաւալեցաւ.  
 ցրտութիւնն դառնայր 35 'ի ջեր-  
 մութիւն, և ձմեռն յամառն վազ-  
 վազակի փոխիւր. հալեցաւ լուծաւ  
 սլաղն, և եղեւ ջուրն ջուր բարիոք  
 և ջերմ: Ոչ այնուհետեւ տագնապ  
 և ոչ սառնախառն օգ, ոչ հողմ՝ դը-  
 ժընդակագոյն և ոչ սիք դժուարա-  
 դէսլ, այլ ամառն. ոչ արեգակնա-  
 ծագ՝ այլ քրիստոսեան էջք և լոյս

գերագոյն : Սերովբէից Թագաւորն իջեալ 'ի վերուստ տեսանիւր սրբոցն . զաչս 'ի վեր համբարձեալ ձեռամբ մատնացոյց լինէին , յորդորեալք մի զմի 'ի վեր հայէին . Փրկիչն տէր Յիսուս ահա ծագեաց առ մեզ , տեսցուք և զուարճասցուք , ցնծասցուք և բերկրեսցուք . ահա ոչ եւս 'ի ձեռաց եթող զմեզ , այլ եհաս մեզ յօգնականութիւն որպէս յուսացաք : Լոյսս աննման է լուսոյ արեգական . ժամս ոչ է արեւու . արեգակն է Քրիստոս յոյսն մեր որ երեւիս . արդարեւ ծագեաց արեգակն անմտանելի և լոյսն անճառելի :

Արդ իբրեւ այսոքիկ հրաշափառ փայլմամբ արտափայլեալ 36 լինէին 'ի սրբոցն , և գոհութիւն տային Քրիստոսի արթուն և զուարթութուն խորհրդով : Իսկ պահապանքն 'ի քուն կային անպատրաստք , քուն Թանձրութեան և հակառակ փրկութեան իւրեանց նիրհեալք . վասն այնորիկ և անտես սքանչելեացն լինէին , և խաւարեալք առ լոյսն :



Բայց մի ոմն որ արթուն կայր ար-  
 ժանանայր լսել զաղօթան , և տե-  
 սանէր զնոսա ուրախ լեալ 'ի յերգս  
 Աստուծոյ : Ի քնին 37 մտանէր , ըզ-  
 մտաւ ածէր զմահ անկելոյն 'ի բաղա-  
 նիսն և զարմանայր ընդ նոցա կեալն ,  
 յայսոսիկ և լուսոյն որ շուրջ զար-  
 բովքն՝ տեսութեան արժանաւո-  
 րիւր 'ի բացուստ : Ուտի և պսակս  
 իջեալս 'ի վերուստ երեսուն և ինն  
 զարմանագործ 38 տեսութեամբ 'ի  
 միտ առնոյր զպակասեալն 'ի թուոյ  
 չհամարեալն 'ի թիւ քառասնիցն ,  
 որով և պսակն պակասեալ գտա-  
 նէր : Սիրտ նոր ստացեալ՝ սրբոցն  
 նախանձաւոր գտանէր . զորս ընդ  
 իւր էին զարթուցեալ զնոսա , մեր-  
 կանայր զգեստն , ընկենոյր և զհին  
 զմարդն , 'ի ներքս վազէր 'ի լիճն  
 խնդալով 'ի դասս սրբոցն : Սրբա-  
 գոյն սիրով զանուն առնոյր , զբրիւ  
 տոնեայ եմն ազաղակէր . տէր Աս-  
 տուած , 'ի քեզ հաւատամ յոր առ-  
 քայս հաւատան , ընկալ և զիս , հա-  
 մարեա 'ի թիւ սրբոցս , զի և ես  
 գտայց 'ի սոսա : Մեծ խնդութիւն

է ինձ այսուհետեւ, զի թիւս խոր-  
հրդահան լցաւ և սատանայ ուար-  
տեցաւ. այլ ոչ եւս կարծիս ունիմ  
պակաս գտանել առանց լիութեան,  
այլ լի և անթերի: Արդ տասցից և  
ես վայելչականս և գոհացայց ընդ  
սրբոցն. Ով է Աստուած մեծ և հզօր  
իրբեւ զԱստուած մեր՝ որ առնէ  
սքանչելիս, և կամ ո՞վ է Աստուած  
բայց յԱստուծոյ մերմէ՝ որ արար  
զայս ամենայն: Բախացայց յոյժ  
ուրախութիւն մեծ, զի թիւ քա-  
ռասնեկին լցեալ եղեւ և խնդու-  
թեամբ լցոյց զտրամեալսն, զի այլ  
ոչ եւս ոք պատրի արտաքս ելեալ՝ի  
բազանիսն: Ապա յետ այսպիսի  
պայծառութեան առաւօտ լինէր.  
և բռնաւորքն անդր հաստանէին, ըզ-  
բանդապանն 39 ընդ նոսա տեսա-  
նէին և զարմանային. հարցանէին  
ապա և զայլսն՝ Գիտէք վասն որոյ  
պատճառի զայն արար. և կամ  
զինչ տեսեալ իշխեաց յայն մտա-  
բերել: Ատացին նոքա զստոյգն.  
Ջարթոյց զմեզ, ասեն, ՚ի քնոյ և  
տեսաք լոյս զնոքոք շուրջ որպէս

զարեւ. դա յանկարծակի վազեաց  
 'ի ներքս աղաղակելով քրիստոնեայ  
 եմ: Զայս լուեալ՝ զայրանային, «  
 տուեալ հրաման քարչել 'ի լճեզն  
 և բրօք ջարդել զքարձս նոցա մին  
 չեւ իսպառ: Ո՛վ անագորոն մտացն.  
 ոչ ուսեալք 'ի բարիս նախանձել,  
 այլ 'ի չարիս յորդանախանձք 40:  
 Խորտակեցան ամենեքեան և ան-  
 խորտակելի մնաց հաւատոյ նոցա  
 աներեւոյթ անձինք:

Աքանչելի է յայսմ վայրի պատ-  
 մութիւնս. մայր միոյ ուրումն 'ի սըր-  
 բոցն անմեկնելի առ նոսա մնայր,  
 քանզի մանկագոյն էր և դեռարող-  
 բոջ հասակաւ որդի նորա: Քթթել  
 ական իւր չտայր թոյլ, այլ ցանկ  
 առ նա պշուցեալ հայեր. և ձգեալ  
 առ նա զձեռն՝ ասէր խանգա-  
 կաթ 41 ձայնիւ և մայրագորով բա-  
 նիւք, Քաղցրիկ որդեակ ասելով,  
 և քաջալերս տալով. սակաւիկ մի  
 համբերեա, ասէ, զի կատարեալ  
 լիցիս. և մի երկնչիս, Քրիստոս  
 հասեալ է յօգնել: Ո՛վ մայր քաջա-  
 հաւատ, ո՛վ զարմանք 'ի վեր քան

զքնութիւն կանացի տկարութեան ,  
 նա եւս առաւել : Այսպիսի վայել  
 է անունդ հաւատացելոյ մօր , այս-  
 պիսի զարգացումն , սոյնպէս և հա-  
 ւատք , այսպէս և յուսադրութիւն ,  
 ըստ այսմ և քաջալերութիւն առ  
 որդիս : Նա զայսպիսիս ցուցեալ  
 մայրութիւն որդւոյն իւրոյ և քաջա-  
 լերութիւն . և ամենայն մարց զնոյն  
 ուսուցեալ հաւատարմութիւն 42 ,  
 որով գովելի լինէր : Թողից զսորա  
 գովեստից բան , թէպէտ և բազումս  
 իցէ արժանաւոր . նա և քան զմեր  
 իմացուածս գեր 'ի վերոյ գտանի ,  
 թուի թէ և այլ եւս բազմաց որք  
 նայիցին յայս : Իսկ սուրբ վկայքն  
 խորտակեալք ջալոտիւք՝ ինգու-  
 թեամբ աւանդեցին զհոգիս իւ-  
 րեանց 'ի ձեռս հրեշտակաց , ա-  
 պրեալք յորոգայթէ որսուցաց ազ-  
 թիւք զամէնն առելով : Որպէս լոյս  
 լուսաւոր ամպօք յերկինս ամբար-  
 ձեալք 'ի հոգիս արդարոց կատա-  
 րելոց գրեւոցն յերկինս . կամ 'ի  
 ձեռս Աստուծոյ ըստ իմաստու-  
 թեանն որ յառաւիյն պատմի : Սոյն-

պէս է իմանալ և այժմ. քանզի  
 վայել է իսկ հասանելն արդարոցն  
 հոգւոց յայն յոր յուսացան մինչ 'ի  
 միւսանգամ միաւորութիւն հոգ-  
 ւոց ընդ իւրաքանչիւր մարմնոց :  
 Սայլս ապա հրամայեցաւ ածել և  
 բառնալ զմարմինս նոցա և տանել  
 'ի տեղի այրման . զի զայս ուսոյց  
 նոցա սատանայ , կամելով անյայտ  
 առնել զյիշատակս նոցա յերկրէ :  
 Իսկ զպատանին Մեղիտոն թողին  
 անգրէն՝ յուսալով զասպրուստ նո-  
 րա , զի դեռ եւս կենդանի էր : Այլ  
 մայրն տեսեալ մնացեալ միայն և  
 բարժանեալ յընկերակցացն , սիրտ  
 առն ընկալեալ և զօրութիւն : զտը-  
 կարութիւն մոռացեալ , 'ի յուս  
 բարձեալ զմանուկն , խնդութեամբ  
 ընթանայր . մայր մարտիրոսի ցան-  
 կայր լինել , և արագ հասանէր խըն-  
 դրոյն : Ի ճանապարհին լուծանէր  
 հոգին 'ի մարմնոյն և մտանէր առ  
 Աստուած : Ապա մօրն զսուրբ մար-  
 մինն տարեալ զկնի սայլիցն 'ի բա-  
 նակն մաքուր ընկենոյր անյապազ  
 փութով : Նոյնհետայն 43 հուրն



բորբոքէր, մարմինք սրբոցն ողջա-  
կէզք կատարեալք 'ի հաճոյսն Աս-  
տուծոյ, ջրով և հրով մաքրագոր-  
ծեալք, և ամենայն փորձութեամբ  
փորձեալք, իբրեւ զարծաթ սրբ-  
բեալք և զտեալ, եւթնպատիկ չար-  
չարանօքն պարզեալ 'ի հոգոյ. որ-  
պէս 'ի դէպ նոցա եկեալ մարգա-  
րէին երգ, որ առ բազմապատիկ  
քննութիւնսն ասի, որգունակ զի  
սոցա է ասել. Փորձեցեր զմեզ,  
Աստուած և քննեցեր որպէս ար-  
ծաթ զի քննի. և յաջորդօքն եւս  
պարծել. Անցաք մեք ընդ հուր և  
ընդ ջուր. և դարձեալ ջուր՝ որ-  
պէս եղեւ իսկ և տեսաք: Այսպի-  
սեօք եւս քան զայս ընկալեալ հան-  
դէս և վճիռ:

Սոցին այսոցիկ եղեւոց ապա  
խորհուրդ առնելին եպերեւիքն 44  
այն ամպարշտացն դապք և չա-  
րեացն խորհրդածուքն զանկորուս-  
տըն գանձ պատուական օսկե-  
րացն այրեւոց կորուսանել ջրով  
ջանային, որ քան իւրեանցն կարո-  
ղութիւն յոյժ խորհրդածեալ. զե-



ւորեալ 'ի գետն մեծ արկանէին ըզ-  
 բովանդակն , ոչ ինչ թողեալ ար-  
 տաքոյ : խորհրդաբար ժողովեալ  
 զի մի մեասցէ մասն առ քրիստո-  
 նեայսն՝ որովք առաքինասցին .  
 զայսոսիկ ունայնախորհուրդք 45 :  
 Եւ այսպէս կամեցեալ ծածկել զա-  
 թիական քաջ զօրականսն , ինքեանք  
 պարտեցեալ և յամօթ լեալ գոր-  
 ծակցաւն իւրեանց սատանայիւ՝ որ  
 զայսպիսիս մոլէր ընդգէմ սրբոցն :  
 Իթ մեծ կարծելով զայս նոցա իւ-  
 թեանց անզօրութեանն՝ յազթու-  
 թիւն թագաւորական համարելով  
 զծածկել նշխարացն , 'ի ջուրս գե-  
 տոյն արկանէին : Որք իբրեւ արկան  
 անդ՝ ժողովեցան 'ի միասին , բնաւ  
 ոչ կորուսեալ և ոչ մի , այլ 'ի միա-  
 սին գտեալք , Աստուծոյ զայս այս-  
 պէս հրաշագործեալ որպէս և կա-  
 թող է . նա և լուսաւորագոյն քան  
 զփայլումն աստեղաց ճառագայ-  
 թեալ 'ի ջուրսն . և գաւանթութիւն  
 միութեաննոցա անբաժանելի մնայր  
 և յետ մահուն :

Տեսիլ երեւեցուցեալ եպիսկո-

պոռի քաղաքին յետ երկից աւուրց ,  
 և ցուցեալ յայանագոյն նշանիւ  
 զտեղին , յորում կային հաւա-  
 քեալ արփիափայլ սուրբ ոսկերքն .  
 'ի գիշերի երթեալ հրաման տային  
 առնուլ յուղիսից գետոյն՝ և տանել  
 հանգուցանել 'ի հօրն դանձարան  
 զանապական շնորհն զբժիշկն ախ-  
 տաժետաց : Որոյ առեալ սրբազան  
 տեսուչն Պետրոս զուխա քահանայ  
 ութեան վիճակի , երկեւղիւ բազ-  
 մաւ 'ի տեղին հասանէր հանդիպէր  
 մեծի փափագմանն լուսոյ : Սրբա-  
 պէս ժողովեալ եղեալ 'ի միասին ա-  
 ռանց պակասման գտանէր 'ի ճա-  
 ճանչ նշողիցն , իւրաքանչիւր տեսո-  
 զացն աստեղապէս երեւեալ լու-  
 սաւոր զլուրան առնէին . մի առ մի  
 եղեալ անքակտելի սիրով , ամենն  
 մի քառասունք անուանիալ , տա-  
 րեալ խնդութեամբ յօթեվանս ար-  
 գարոց 'ի տունս աղօթից 'ի տաճար  
 տէրունի հանգուցեալ : Երգ օրհ-  
 նութեան և տօն խնդութեան կա-  
 տարեալ խնկաւէտ սաղմոսիւք և  
 հոգէշնորհ օրինգք , աւեաեաց յի-

չատակ և եկեղեցւոյ փառաց լրումն :  
 Լուսափայլ շնորհք զնոյնն կար-  
 գել յապագայց ազգաց , օրէն և տօն  
 տարեկան հրամանաւորեալ զայտր  
 աւուր համաշխարհական խումբս :

Իսկ արդ և մեք վերջացեալք ժա-  
 մանակաւ , որ արժանաւորեցաք առ-  
 նախմբել և ուրախութեամբ հոգե-  
 ւորականաւ զուաճանալ ՚ի յիշատա-  
 կի սրբոց քառասնիցն , տեսաք ըզ-  
 պատմութի սոցա հանգիսին որչափ  
 բաւական եղել մեր տկարութիւնս ,  
 և կարճաձօտիւք ասացան ՚ի ձեր  
 լսելիս որքան և պատմեցաւս . ոչ  
 ըստ նոցունց արժանաւորութեան ,  
 և ոչ ըստ ձերում փափագման ե  
 խնդրոյ , այլ ըստ իմ մտացս սակա-  
 ւատեսութեանս և փոքրանձնու-  
 թեանս յիմաստս : Սիրելիք , արգ  
 տեսցուք և զանուանց նոցա թիւ .  
 քառասուն են թուով , ոչ պակա-  
 սեալ և ոչ յաւելեալ , զի թէպէտ ե  
 պակասեցաւ , դարձեալ Աստուծոյ  
 տեսչութեամբն լցաւ : Սոյն այս քա-  
 ռասուն թիւս բազում խորհուրդս  
 ցուցանէ մեզ յինքն բարգեալ : Ետի

քառասնեակ աւուրքք թուով կեն-  
 դանանալ յորովայնի իմանալի է  
 զմարդն և հոգեւորիլ: Եւ զայո  
 է ուսանել 'ի սուրբ հարցն աւան-  
 դութենէ . որ և սոքա մեզ կեն-  
 դանացուցիչք գտան 'ի ձեռն իւ-  
 րեանցն լուսաւորութեան և բա-  
 րեխնամութեան: Աերացուք ապա  
 և յայլ խորհուրդ քառասնեակ  
 թուոյ . քառասուն արուրքք ջրհե-  
 դեզ ապականեալ զանօրինեալն  
 առ Նոյիւ գատեցեալ ջրով զհեղեղ  
 մեղաց: Իսկ սոքա մեզ ջուր փրկու-  
 թեան և ջուր ուրախութեան ծա-  
 րաւելեաց 'ի տան տեառն , զի ին-  
 քեանք ջրով տանջեալք վասն Քրիս-  
 տոսի 'ի ջուրն հեղձուցին զանմար-  
 մինն Փարաւոն : Բախանան 46 և  
 արգարոց անձինք այսու քառաս-  
 նեակ թուոյ աւուրքք՝ պահօք ա-  
 ռաքինացեալք , հոգևով զօրացեալ  
 և զմարմինն նուաճեալ . որսէս  
 զյոլովս է իմանալ . 'ի Սինէական  
 լերինն Մովսէս երկիցս անգամ ,  
 ուր և աստուածատեսութեանն ար-  
 ժանաւորիւր և զպատգամս պա-

առւիրանի և աւետեաց երկրին՝ ժողովրդեանն Իսրայելի առեալ բերէր յԱստուծոյ : Այսպէս և սոքա սրբազանքս իւրեանց բարեմիառ տնուանցն թուոյ մեզ նոր Իսրայելի աստուածատես ժողովրդեանն եկեղեցւոյ զպարգեւս աստուածատուրս և զաւետիս ՚ի յերկինս : Նորոգելով ճանապարհ հաշտարար իւրեանց 47 չարչարանօքն , և մեզ հրաւիրակք ոչ յերկիր աւետեաց , այլ ՚ի վերնաքաղաքն Սիոն մայրն սրբոց : Ոչ մոռանամ և զմեծն Եղիա ՚ի մարգարէս զկուսսւթեամբն հաճոյացեալ Աստուծոյ . որ և զնախանձն Աստուծոյ սաստկապէս խնդրէր և պատուհասէր զԻսրայել անողորմարար խրատով : Սովով և երաշտով և գարձեալ հրկէզ 48 պատարագօքն զմարգարէսն Բահազուխապառ կոտորէր , և յանգիմանէր զԱքայար միւսսնգամ անձրեւածին ամպովքն : Փախուցեալ լինէր յաստուածատեացն Եզրբելայ ըզքառասուն տիւ , և ՚ի լեառն Աստուծոյ այսքան պահօք սրբամատոց

լեալ ճնշմամբ մարմնոյ . հոգևով  
 ընդ Աստուծոյ խօսէր դէմ յանդի-  
 ման և մաշկեկան ծածկէր զերեսս  
 զտրհուրեալ յերեւման Աստուծոյ  
 զինքն լեալ : Իսկ զի այս է Թիւ սըր-  
 բեցելոցս այսոցիկ , որոց անուանա-  
 կիր է և սրբոցս և պահոցս համարք :

Արդ այսպիսեօք և սոցս առաքի-  
 նուԹիւնս պահօք , ջրով և հրով , և  
 Թիւն քաջայարմար քառասուն . և  
 սոքօք մեզ աստուածատեսուԹիւն  
 յօրինի 'ի սոյն տեսակ : Լինի այսո-  
 քիւք Թուովք ընծայումն անգրան-  
 կացն Իսրայելի Մովսեսի օրինա-  
 գրուԹեամբն , քառասնօրեայ յան-  
 դիման առնել տեսուն 'ի խորանն  
 սրբուԹեան պատարագօք : Որ և սո-  
 քօք ոչ միայն անգրանիկք Գամրայ ,  
 այլ ամենայն անձն և ամենայն ազգ  
 ընծայի Աստուծոյ , և յանդիման  
 կան սրբեալք և ազատեալք 'ի մե-  
 ղաց սոցս բարեխօսուԹեամբ : Քան-  
 զի իւրեանց օրինագրուԹեամբ և  
 նահաաակուԹեամբ և ջերմեռանդն  
 սիրով զամենեցուն փրկուԹիւն հայ-  
 ցեն յԱստուծոյ . և սոցին Թուովք

ՆԵՐԲ . Ի Ս . ՔԱՌԱՍ .

4

պահօք և մեք մաքրեալք լիցուք :  
 Տէրն մեր և Աստուած Յիսուս  
 Քրիստոս ինքեան մարմնովն ծնըն-  
 գեամբն պատուեաց և զայս թիւ՝  
 քառասնօրեայ ՚ի տաճարն բերմամբ  
 ծնողացն և ընծայեալ ՚ի ձեռն ին-  
 քեան զարարածս Աստուծոյ և Հօր  
 ՚ի բարձունս : Ի սոյնչափ աւուրս  
 և յետ մկրտութեան պահեաց կե-  
 նարարն մեր Քրիստոս , և զամենայն  
 փորձութիւնս սատանայի յետ պա-  
 հոցն կատարման մարգկութեամբն  
 աստուածապէս յաղթահարեաց :  
 Մինչ կատարեաց զամենայն կիրս  
 անօրէնութեան մարմնովն իւրով  
 վասն մեր և զչարչարանսն խաչին և  
 զթաղումն և յարեաւ ՚ի մեռելոց և  
 հաւտտարիմ եղեւ աշխարհի , որ-  
 պէս ուսաք յաստուածային գրոց ,  
 յաւուրս քառասունս երեւեալ ա-  
 շակերտացն , և ուսուցեալ նոցա  
 զարժանն քարոզութիւն 49 վերա-  
 ցաւ յերկինս մարմնով , և գալոց է  
 միւսանգամ նովին մարմնով : Նոյն  
 ինքն երիս քառասնեակս պատուե-  
 լով , ընծայելովն ՚ի տաճարին ՚ի



գիրկան Սիմէովնի , յետ մկրտու-  
 թեանն պահօք և յետ յարութեանն  
 համբարձմամբն յերկինս : Արդ այս-  
 պէս խորհրդածեալ քառասնեակս  
 թիւ . ութ հնգեակս և հինգ ու-  
 թեակս , և չորք տասնեակս և մի քա-  
 ռասնեակ յինքն ժողովեալ և կա-  
 տարեալ այսպէս թիւս : Նեղ է տե-  
 սութիւն նոցա , բայց մեք ասու-  
 ցուք զոր ինչ իմանամք 'ի սլատիւ  
 քառասնից սրբոց : Ութ հնգեակն  
 ասացեալ եւթն հնգեակն աշխար-  
 հիս այսմիկ եւթն հազար դարուցս  
 կենցազավարութեան կարգս : Գե-  
 ղեցկապէս բերէ զնմանութիւն , և  
 հինգ հինգ զթիւ նոցա վտան հինգ  
 զգայութեան մարդկան , որով գոր-  
 ծի բարի և չար , և աշխարհակիր-  
 կեանս նոքօք յօրինի : Իսկ յետ  
 եւթն հնգեկացս ութերորդ հըն-  
 գեակն զութերորդ դարուն՝ որ է  
 առաջին և սկիզբն անկէտ յաւիտե-  
 նին քրիստոսամուտ գալստեան ըստ  
 գրոց և դարուց : Արդ հինգ հինգ  
 առ մի մի դար խորհրդածեցաւ քա-  
 ռասնեակս թիւ . զի հնգիւք զգայ-



ութեամբք սրբապէս մատակարարեալ զկեանս աշխարհիս յեւթն գարս, յութեակն արժանի լինին նովին հնդեակ Կործարանօք անճառ վայելչութեանցն որ անկն է 50 այսմ սրբոց: Սոյնպէս և հինգ ութեակն ըստ հինգ զգայութեանցն մաքրել զութ խորհուրդսն չարութեան զհոգեկանս և զմարմնականս. որպէս սուրբ հարքն իմաստասիրեցին ՚ի գիրս: Իսկ զգայութիւնքն են այսոքիկ. նախ անսութիւն աչաց, լսելութիւն 51 ականջաց, հետտօտելիք ռնգաց, շոշափելիք ձեռաց և ճաշակելիք բերանոյ. և են կրկին հոգեկան և մարմնական: Բարունեցաւ այսոքիկ և յայտնեցաւ. ասասցուք զութ խորհուրդսն, զպարզ լիցի որոց կամիցին: Սկիզբն որովայնամոլութիւն, պոռնկութիւն, արծաթսիրութիւն, տրամութիւն, ձանձրութիւն, բարկութիւն, սնափառութիւն, ամբարտաւանսութիւն. այսոքիկ են ութ: Նոյնպէս կրկին են և սոքա, և այսօցիկ յազմեցին սուրբքն և հեր-

քեցին . և գտան հաճոյք Աստու-  
 ծոյ , և բնաւ առաքինութեամբ  
 հանգիտահրեշտակք : Կրէ յինքն  
 քառասնեակն չորս ասնեակս . այս  
 կատարելագոյն է և բարձրագոյն  
 խորհուրդ , ընդ չորս կողմանս աշ-  
 խարհի քարոզել զաւետարանն փրկ-  
 կութեան : Ղամբարափայլ լուսով  
 ջահացուցանել ընդ ոլորտս տիեզե-  
 րաց զսրբոցն յիշատակ միացեալ  
 ճգնութեամբ ընդ նոցունց հոգւով  
 և մարմնով , մտօք և շնչով , բովան-  
 գակ մաքրութեամբ զթիւ չորեքկին  
 առլցեալ 'ի քառասնեակն աւար-  
 տեալ չորիւք տասամբք : Ի սոսին  
 սուրբ քառասնիցս թիւ կատարի և  
 այլ խորհուրդ զմարգարէիցն լնուլ  
 թիւ քսան և չորք . և զերկոտասան  
 առաքելոցն և զչորք աւետարան-  
 ջացն . որպէս զի քսան և չորք և եր-  
 կոտասանն և չորքն լնուլ զթիւ քա-  
 ռասնիցն . քանզի սոքա զմարգա-  
 րէացեալն 'ի մարգարէից զՔրիս-  
 տոս տեսին և ծանեան : Սոյնպէս  
 և զառաքելոց քարոզեալն ընկալան  
 և հաւատացին և յաւետարանջացն

լուսաւորեցան և աւետեացն հասին  
հետեւելով ընդ լուսաշաւիղ պո-  
ղոտայն : Եւ այսպիսի բազում խոր-  
հուրդ արտայայտէ սոցա անուանց  
Թիւ որքան ասացաք , և այլ եւս ա-  
ռաւել՝ որ մեզ անհասանելի է . այլ  
այսքան որչափ մեզ պատշաճ է :

Այլ և յանուանցն գիր խորհուրդ  
և կարի յոյժ զարմանալի . քանզի  
քառասնիցն անուանցն գիր բովան-  
գակէ միահամուռ երեք հարիւր  
տասն և ութ 'ի ստոյգ օրինակաց որ  
գտանիցի ճշգրիտ գեսպոտիկոն ըստ  
Յունաց , յորոց և կոչուան անուանց  
նոցա : Տեսցես ինձ և ստուգա-  
գիււ 52 'ի Հայոց նոյնպէս երեք  
հարիւր տասն և ութ գիր . և այս  
մարգարէսութիւն վասն սուրբ և  
մեծ Ժողովոյն Նիկիայ հաւարախըն-  
գիր 63 հարցն : Ինձ զարմանալի այ-  
սոցիկ և իբր տեսողութիւն նախա-  
գուշակ . քանզի կանխագոյն եւս  
էին սոքա ամօք ինչ քան զԺողովն  
աստուածազան , որ գումարեցան  
'ի Նիկիայ՝ Կոստանգնու հրամա-  
նաւ . կենաց բանին հետեւողք հա-

ւատ հաստատեցին , խոստովանու-  
 թիւն սուրբ Երրորդութեանն և մի  
 աստուածութեան : Որ և այս թիւ  
 խորհուրդ 54 գրոց բերէ յայսպիսի  
 անասկ , որպէս զի զհարցն բերել  
 զհամար , և յԵրրորդութեանն գտա-  
 նիլ խորհուրդ . քանզի հարեւրքն  
 երեք միաչափք , և Երրորդութիւնն  
 երեք անձինս հաւասարք : Սոյն-  
 գունակ ութեւտասունքն . երիս  
 վեցեակս միաթիւս , և այս նոյնպէս  
 խորհուրդ . մի 'ի բազմութիւն թը-  
 ւոցն հայկցիս և թիւրեացես թը-  
 ւովքդ , այլ զբաժինսն միահաւասար  
 տեսցես և խորհրդականեսցես 55 :  
 Կատարեալ տեսցես միութեամբ  
 բարժանմամբն զհաւասարութիւն  
 թուոցն , և գտցես զպրանչելիսն 'ի  
 քառասնիցն անուանակոչութիւնսն  
 և քննութիւնս :

Իմասցուք և այլ խորհուրդ օգտա-  
 կարագոյն և հոգւոց մերոց փրկու-  
 թիւն : Այսոցիկ սրբոց հանապազ  
 տան յիշատակի սոցա 'ի սուրբ քա-  
 ռամներորդ պահոցս հանդիպի , ո-  
 թով և տուաւել անուանակոչութիւն



նոցա ըստ աւուրցս հոգեւորապէս  
 տօնել և պարկեշտութեամբ զյղջիսւ-  
 թիւն կերակրոց արապոյ աւուրցս  
 և տօնիս թողեալ, թեթեւութեամբ  
 ընթանալ 'ի յասպարէզ հանգիսի  
 նոցա : Բախճանապէս զնոցայն ա-  
 ռեալ յարացոյց 56 մեղ և օրինակ  
 զզանազան տանջանան : Իբր այժմիկ  
 տեսող նոցա լինելով և մարտակից ,  
 ընդ նոսին խոստովանութեամբ ըզ-  
 ֆրիստոս . որովք մարթի նոցա և  
 պսակակից լինել և սքանչելատեաիլ  
 յերկնուսա պսակացն . նախ չար-  
 չարանացն հազորդելով և վշտակցե-  
 լով իբրեւ զբարիոք զինուորս :

Արդ տօնեսցուք , եղբարք , զտօն  
 սրբոցն և պաղաքերեսցուք տօնիս  
 վայելչականս , և տացուք աւուրս  
 զպարտական օրհնութիւնս արժա-  
 նաւորապէս : Տեսցուք զխորհուրդ  
 տօնելոյս զինչ է , և զհարգ իցէ տօ-  
 նել զսրբոցն տօն : Ի նեղութիւնս  
 ուրախանալ , 'ի վիշտս փառաւորել  
 զԱստուած , 'ի տանջանս համբե-  
 րել : Որ զփառս արգարոցն կամիցի  
 առնուլ , գործովք նոցունց նմա-

նեացի . ըստ օրինակի նոցա մարտի-  
 ցէ , թէպէտ և ոչ ընդ Ագրիկո-  
 զայոս , այլ ընդ ստատանայի : Ահա-  
 ւասիկ և մեզ առաջի կայ հանգէս և  
 մարտ և կռիւ . և մրցութիւն տգոնի :  
 Լուարուք և 'ի միտ տուէք . արգիւ-  
 նացուցէք 'ի սրտից ձերոց անգոս-  
 տանս . եղիցուք պատրաստք , ելլուք  
 'ի պատերազմ , մարտիցուք և յազ-  
 թեացուք և յազթեալ ընկձեացուք  
 զթշնամին մեր զհակառակորդն . մի  
 թողցուք յոան կալ , այլ սպանցուք :  
 Քննութիւնն արասցուք մտաց մերոց  
 և խորհրդոց . թողցուք զչարեացն  
 խորհուրդ , ստասցուք զբարեացն  
 հանգէս , սրբեացուք 'ի մեզաց զան-  
 ձինս խոստովանութեամբ և ապաշ-  
 խարութեամբ : Այս է տօնապիրացն  
 յոյս . այսպէս պատուի սրբոցն յի-  
 շատակ և Քրիստոս փառաւորի :  
 Նայեցարուք ընդ սրբոցն չարչա-  
 բանս և 'ի ժուժկալութիւն , 'ի  
 վիշտս և յազթան : Դաւանեացուք  
 զնոցա խոստովանութիւնն , և շա-  
 հեացուք ընդ նոսա զփրկութի : Բա-  
 քունիս զնոսա կալցուք անձանց մե

րոց , մանաւանդ եթէ նոքօք զՔրիս-  
 տոս Աստուած մեր : Որպէս ար-  
 ժանն է տօնել և յանկադոյն սրբոցն ,  
 այսպէս տօնեսցուք , մի աշխարհա-  
 պէս այլ 'ի վեր քան զաշխարհ : Մի  
 որովայնիւ փափկացեալ , այլ հո-  
 ւով լցեալ : Սիրեսցուք զմիմեանս .  
 պատուեսցուք զիրեարս . մի զան-  
 ձանց եւեթ խնդրեսցուք , այլ և  
 զընկերին : Ասեմք տօնել , և զտօնին  
 պատճառն ոչ առնումք 'ի միտ և  
 այնպէս տօնախմբել : Կերակրովք  
 կարծեմք և ըմպելեօք զտօնն և կամ  
 զարդուք պատուականաց 57 : Ահա  
 ւատիկ որոց տօնն է՝ նոքա քաղցեալ  
 և ծարաւի և մերկք և 'ի պաղ ընկե-  
 ցեալ . կարօտեալք , նեղեալք , չար  
 չարեալ , ձուլեալ մարմնով , և պա-  
 տառեալ արիւննահոս : Իսկ մեք  
 փափկանամք , և առաւել քան ըզ-  
 պէտսն , և զարդարեալ ճեմեմք և  
 ցնծամք երկրաւորօքս : Ուստի՞ գտա-  
 նիցիմք այսոքիւք տօնիչք , և կամ  
 պատուիչք սրբոցն . այսպիսեօք ոչ  
 եւո . սոյն և հակառակ է նոցա ճը-  
 գանցն և չարչարանացն , և ոչ միտ .



բանի ընդ նոսա : Ասան այսորիկ 'ի  
բաց թողցուք զամենայն 58 ըստ եր-  
կրիս խորհուրդ և զգործս չարեաց .  
ապա կատարեալք լիցուք մտօք յար-  
գարութիւն և 'ի սրբութիւն և 'ի  
գործս բարեաց : Այս է նմանու-  
թիւն նահատակացն , և վասն այսո-  
րիկ յԱստուծոյ պարգեւեցաւ մեզ  
ածնել զչարչարանացն օր սրբոցն և  
Ժառանգ գտանել հաւատոց նոցա  
և գնացից . և ճանաչել զբարեպաշ-  
տութեան օրէնսդրութիւնն առ Աս-  
տուած հայեցողութիւն : Արդ եղ-  
բարք ջանասցուք նեղ և անձուկ ճա-  
նապարհաւն սրբազանիցն մտանել  
'ի պատրաստեալն նոցա տեղի և  
պսակեսցուք . քանզի որ զայս հան-  
գէս յօրինեաց , արգարագատ է և  
առանց ակնառութեան և հաւասար  
ճգնողացն , հաւասար տայ զպար-  
գեւն , և զոչ հաւասարսն ոչ առնէ  
զուգապատիւ , այլ ըստ իւրաքան-  
չիւր վաստակոցն և զվարձն : Որպէս  
և ուստք յաւետարանէն որ ասա-  
ցաւ 'ի տեառնէ . Գաղթց է որդի  
մարդոյ փառօք Հօր իւրոյ , և յայն-

Ժամ հատուցանէ իւրաքանչիւր ըզ-  
գործս իւր :

Բայց այժմ մեք որ տօնեմք այսօր  
զյիշատակ քառասուն վկայիցն Աս-  
տուծոյ , զմիաբանութիւն ՚ի հա-  
ւատս նոցա տեսցուք , և նմանողք  
լիցուք նոցա ըստ կարի մերում , Ճրգ-  
նեսցուք ամենայն անդամօք . ՚ի միտ  
առցուք զնոցա տանջանացն վտանգս  
և նեղութիւնս : Համբարձցուք զաչս  
՚ի յերկինս ազօթալի 59 արտասուօք ,  
զի սրբութեամբ և առ Աստուած  
հայեցողութեամբն նահատակիցի ա-  
չաց տեսութիւնն , և մի յարատ հայ-  
եցուածովք ՚ի գեղպատարանաց 60  
բլշակնիցիմք 61 ՚ի պատուիրանացն  
Աստուծոյ պահպանութենէ : Մա-  
քրեսցուք և զլսելիս , զի բան տեսան  
լսելի լիցի մեզ . և մի ունկնդիր  
լիցուք բանից օտարոտեաց և զա-  
ղիր խօսից անընդունելեաց Աստու-  
ծոյ . այլ միշտ զբարեացն զբանս  
լսելով և ունկնդիր լինել առաջ  
նորդաց խրատու . մի և հոտտե-  
լեօք իգասցուք , որ ինչ ըստ մար-  
մնական մարմաջմանցն իմանի և հա-

կառակ իւզոյ հոտոյն քրիստոսի .  
այլ հոտոտեսցուք բարւոք ՚ի հոտ  
կենաց եււոյ՝ որ հեղեալ է ՚ի վե-  
րուսա առ ՚ի Հօրէն լուսոյ : Որպէս  
տսի եււ անոյշ հեղեալ է անսւն քո  
՚ի վերայ մեր , որով և օժանիմք շնոր-  
հօք Հոգւոյն սրբոյ և քրիստոնեայք  
անուանիմք : Ընդ այսօցիկ զգայու-  
թեան և բերանոյ գուռն գիցուք ,  
սովորեսցուք խօսել զարժանն Աս-  
տուծոյ , և ճաշակել զկենացն պար-  
գեւատուն . և մի ծառայել որովայ-  
նի որով ոչ արժանաւորի ծառայել  
անառն , զի նա է մայր և սկիզբն  
պոռնկութեան և բազում չարեաց .  
այլ սակաւապիտութեամբ և հար-  
կաւոր կերակրովք բաւականաս-  
ցուք : Սրբեսցուք և զձեռս յամե-  
նայն տնիրաւ գործոց . համբարձ-  
ցուք առ Աստուած տարածմամբ ա-  
զօթից և շօշափեսցուք զբանն կե-  
նաց , գործելով զամենայն արդա-  
րութիւնս : Այսպէս իմասցուք և  
զամենայն անգամոցմաքրսութիւն 62 :  
Այս է պահոց կաաարելութիւն .  
որպէս ՚ի կերակրոցն արգելիմք 63

յաւուրս պահոց, նոյնպէս և յամենայն չարեաց. և որպէս ՚ի փոփուկ կերակրոց անճաշակ լինիմք յաւուրս պահոց, սոյնպէս ամենայն զգայութեամբ հեռի ՚ի չարեացն լինել և բարեացն ընդունակ և գործօնեայ : Ահա մարտիւրոսութիւն երկարաձիգ 64, ահա վկայութիւն Աստուծոյ բազմօրեայ. այսպիսեօք հաղորդի մարտիւրոսասէրն ընդ մարտիւրոսացն : Այս է տօնի սրբոցն զարդ, այս է և ջահից բորբոքումն և անուշահոտութեան բուրումն խնկոց, ողորմութիւն տնանկաց, լուսատու գիշերոյ կանթեղք, սէր առանց կեղծաւօրութեան և միաբանութիւն սրբութեամբ, մոմեղինակալս 65 ոսկիս և մոմեղէնս լուսոյ փոխանակ տկար մեղուացն գործոյ և գիւտից : Դասաստան արդար որբոց և այրեաց, և առանց ակնառութեան և կաշառոց 66, զարդարանք ոսկէզօծ զգեստուց 67 գեղնափայլ 68 և արծաթատեսակ սպիտակութեամբ : Պահք պարկեշտութեամբ և սղօթք սրբամատոյց,

արտասուլագոչ և սրտահառաչ 69 .  
 մի 70 ճայթմունք և որոտք երգոց  
 և պարուց և կայթմանց ձեռնաշար-  
 ժուլթեանց . այլ խոնարհութիւն և  
 հեղութիւն և անցոփութիւն հո-  
 գեւոր քաղցրաշարժութեամբ . ըզ-  
 գեստք չըջապատք բոլորեալք և  
 սպիտակափայլ կոկեալ 71 և ոզոր-  
 կեալ և ճունչող կոշկօք ոտնատրոփ  
 չըջագայութեամբ , յօնաճօճ և ա-  
 չակագբաւ գիմօք : Արդ մի միայն ար-  
 տաքնովքս զարդարեսցուք զտօնս և  
 զպատիւ 72 սրբոցն , այլ և զհոգե-  
 ւորական զարդան յօրինեսցուք . և  
 այսպէս կատարեալ տօնասէրք լի-  
 ցուք . բարձրացուցուք զպատիւ ա-  
 ւուրս ըստ հաճութեան սրբոցն և  
 հաճոյիցն Աստուծոյ : Մի զխորհրդ-  
 դական թիւ քառասնօրեայ աւուրց  
 պահոցն պակասեցուցուք , զի մի և  
 պակասեցի պսակն . զքառասնիւք  
 ճգնեսցուք և միապէս պահեսցուք .  
 մի խտորեսցի յաւուրցս յայսցանէ  
 'ի բազանիս հեշտութեան , զի մի  
 լուծցի և անկցի և գտցի խոտան և  
 ոչ համարեսցի 'ի քառասուննն :

Զայս խորհրդականութիւն և վը-  
 կալիցն ջոկք խնդրեն 'ի մէնջ և զայն  
 կամին : Արդ վայելչացեալ եկեղեցի  
 Աստուծոյ տօնէ զյիշատակ սրբոց  
 քառասնիցն այսքան պայծառու-  
 թեամբ և ցնծութեամբ երկնիւք և  
 երկրաւ, որ ինչ յերկինս իմանի և  
 որ ինչ յերկրի . ջրով և հրով, քրիս-  
 տոսափայլ արեւաւ և լուսափայլ  
 պսակօք : 'ի յերկնուստ պայծառա-  
 ցեալ, 'ի յերկրէ զուարճացեալ . 'ի  
 յերկնուստ պսակեալ ոչ միով միայն,  
 այլ քառասնիւք . 'ի յերկրի ջուրք,  
 աստեղք ջահաւորեալ, գիւտ նշխա-  
 րաց գերափայլեալ . 'ի յերկնուստ  
 Քրիստոսի երեւմամբ ոչ միանգամ,  
 այլ երկիցս, և զգիշեր մեղացն հա-  
 լածեալ 'ի յերկրէ սրբոցն ամբոս-  
 պահեստ խնամովքն պարածած-  
 կեալ : Զայսքան և առաւել քան  
 զայս ուրախութիւն կրէ քաղաքս  
 Սեբաստիա . քանզի սլարծի քա-  
 ռասուն ունելով յինքն արեգա-  
 կունս միով լուսով ծագեալ . վասն  
 որոյ և քան զբազում քաղաքս  
 հռչակաւոր է և անուանի . բայց

ոչ վերջանան և այլք, զի և շնորհքն  
 Աստուծոյ անզեղջ են. քանզի ուր  
 և գացի մասն 'ի նոցունց, քառա-  
 սունք անուանի. զի միով անուամբ  
 ամենեքեան կոչեցան, և սիրեցաւ  
 անուն նոցա ընդ բոլոր աշխարհս, և  
 ամենեցուն եղեն շնորհք բժշկու-  
 թեան և փրկութեան և պսակ հա-  
 սարակաց հաւատով տօնողաց: Ատան  
 որոյ և որ այսօր տօնել արժանաւոր  
 եղաք, եղիցի մեղաց թողութիւն. և  
 բժշկութիւն անտաժետաց և փրկ-  
 կութիւն հոգւոց և քաղցրութիւն  
 օգոց և ամենայն չարեաց 'ի բարիս  
 փոփոխումն, և առողջութիւն 'ի  
 հաւատս. թագաւորաց և զօրաց  
 նոցա և հոգեւոր պետութեանց,  
 սրբազանաբար և գերահրաշ աս-  
 տուած պետական վսեմութեամբ  
 համառօտ և ճշմարտութեամբ քա-  
 ըրողել ընդ բնաւ մարմին եկեղեցւոյ  
 զԲանին 73 Աստուծոյ զարժանա-  
 ւոր բանս. արօտ անմլաւս բանաւոր  
 հօտի. 'ի վայրի գալարւոջ և 'ի ջուրս  
 հանգստեան հովուել, որովք անա-  
 րտա պահեալք 'ի գաւիթս մօր մե-  
 ներս. Ի Ս. ԲԱՌԱՍ. 5

րոյ սրբարար Հոգւովն գրոշմամբ,  
 փրկական արեամբ 'ի պահպանսւ-  
 թիւն օժեալք, և փոփոխեալ յաս-  
 տեացս ելք յերկին 'ի վերնաքա-  
 զաքն 74 Երուսաղէմ, ուր գան-  
 ձեալ կան ամենայն Հոգիք աս-  
 տուածահաճոյիցն . յորս լինի և  
 մեզ վայելել բարեխօսութեամբսրը-  
 բոց վկայիցն Քրիստոսի Աստու-  
 ծոյ . որում փառք ընդ Հօր 75 և  
 ընդ Հոգւոյն սրբոյ այժմ և միշտ և  
 յաւիտեանս յաւիտենից . ամէն :





# ՍԱՀԱԿ ԵՒ ՀԱՄԱԶԱՍԳ



ՎԿԱՅԱԲԱՆՈՒԹԻՒՆ

Ս Ր Բ Ո Յ Ի Շ Խ Ա Ն Ա Ց Ն

Հ Ա Մ Ա Չ Ա Ս Պ Ա Յ

Ե Ի

Ս Ա Հ Ա Կ Ա Յ

Ն Ա Խ Ա Ր Ա Ր Ա Ց Ն Հ Ա Յ Ո Յ

Ի ՏԱՆԷ ԱՐԾՐՈՒՆԵԱՑ



Ընդ ժամանակս թագաւորու-  
թեանն Լեւոյնի կայսեր, և Փլա-  
բիոսի արքեպիսկոպոսի Կոստանդի-  
նուպոլսի և 'ի հայրապետութեանն  
Ներսիսի Հայոց կաթողիկոսի սասա-  
կացեալ զօրանայր հարստահարու-  
թիւնն Տաճկաց 'ի վերայ քրիստո-  
վնէից. յոլովք քան թէ սակաւք  
եղեն վկայք 'ի Միջագետս Ասորւոց  
և 'ի կողմանս Կասպպագո՞վկացւոց և

յԱրարիա : Եւ քանզի ոխս մթե-  
 րեալս ընդ թագաւորին Յունաց ու-  
 նէին պետք հարաւային բռնակա-  
 լութեանն , 'ի վերայ նորա նշան  
 յաղթութեան զոր կրեացն Խ-  
 մայէլ 'ի կայսերէն Յունաց զօրու-  
 թեամբ սուրբ խաչին . յորժամ կա-  
 մեցան առնուլ զթագաւորաբնակ  
 քաղաքն Կոստանդինուպոլիս , 'ի  
 կողմանս Ասորոց յելանելն Խ-  
 մայելի 'ի վերայ կոհակացն Ովկիա-  
 նոսի անհուն բազմութեամբ զօրաց  
 և զինու ամենայարմար սլատրաստու-  
 թեամբ . քանզի որպէս ունի յինքեան  
 յիշատակարանն զանթիւ զօրուն ըզ-  
 չափ համարոյ հատոյ երկոտասան  
 գրուաց չափ մանանխոյ , որք նա-  
 ւաբեկեալք ջրահեղձոյց անգընգա-  
 վիժակք ընկղմելութեամբ սատակե-  
 ցան յամհի ալեաց կուտակելոց .  
 յետ երից աւուրց կատարելով ըզ-  
 պաշտօնն 'ի սուրբ Սոփի և ընգ այգն  
 ընգ առաւօտն փայտն զփայտան հա-  
 րըստահարէր սաստկագոյն կործան  
 մամբ քան զՄովսեսեան գաւազանն  
 զՓառաւոյն . զի մեծ քան զՄով

սէս և զնորին գաւազանն է աստ :  
 Իսկ վարատեալքն 'ի քրիստոսեան  
 գաւազանին զօրութենէն , որք մտին  
 յանրնակ տեղիս կղզեացն , զորէն  
 ձկանց եզեն կերակուրք միմեանց  
 վասն վասնդի սովոյն զոր կրեցին .  
 'ի բարկութենէն Աստուծոյ այս  
 վրէժխնդրութիւնք պատահեալք  
 հասին նոցա , փոխանակ հայհոյու  
 թեան թղթոյն զոր գրեցին 'ի  
 խաչն Քրիստոսի և յեկեղեցի . որ  
 պէս Սինաքերիմն վաղագոյն առ Ե-  
 ղեկիայիւն յաւուրս Եսայեայ մար-  
 գարէին : Իսկ Թագաւորն Լեւոն և  
 պատրիարքն Փլարիոս մեծ գոհու-  
 թիւն մատուցին Աստուծոյ հան-  
 գերձ բաղմութեամբ քաղաքին և ա-  
 մենայն Ասիայ . և տիեզերք ուր և  
 համբաւ լոյն հասանէր յեկեղեցիս  
 քրիստոնէիցն առաւել փառաւորէր  
 անունն Քրիստոսի :

Ի ժամանակին յայնմիկ էր հաւա-  
 տացեալ մարզպանութիւնն Համա-  
 զասպայ 'ի տանէն Արծրունեաց 76 .  
 սա տիրէր սեպհական տէրութեան  
 վասպուրական կոչեցեալ իջիւս .

նութեան, եղբարս ունելով երկուս  
 որոց անուանքն ճանաչէին առաջ  
 նու՛ն Սահակ և երկրորդին Մեր-  
 հուժան . սոքա էին արք անուանիք  
 և քաջք 'ի պատերազմունս և 'ի կրօ-  
 նըս և 'ի կարգս քրիստոնէութեան .  
 աներկբայ և անսայթաք գնային յօ-  
 բէնս և 'ի պատուիրանս տեսու՛ն ան-  
 արառք : Իսկ սկզբնաչարն սատա-  
 նայ մախացեալ ընդ պատուական  
 արանցն բարեհամբաւութիւն նա-  
 խանձընդդէմ վառէր նոցա : Արք  
 ոմանք սուտակասպառք ոլք քսու-  
 թիւնս զնոցանէ առ գլխաւորն Տաճ-  
 կաց առնէին զամբաստանութիւն 77  
 'ի նոցանէ խոկալ ամբաստանէին .  
 ընդ որ սաստիկ զայրացմամբ իբրեւ  
 զգազանս արիւնարբուս մրմուռալս  
 'ի վերայ պատուական արանցն , ըս-  
 կըսան խորհել վասն նոցա չարիս .  
 և քանզի երկուք ոմանք էին 'ի ժա-  
 մանակին յայնմիկ գլխաւորք Տաճ-  
 կաց Մուսի և Ահարոն անուանք  
 նոցա որդիք Մահմեդեայ , յերկուս  
 բաժանեալ էին զաշխարհն զոր էին  
 նուաճեալ ընդ տէրութեամբ իւ-

րեանց : Եւ էր վիճակեալ աշխարհն  
 Հայոց Ահարովնի . և նա իսկ և իսկ  
 փութապէս յղեաց առ հաղարա-  
 պեան Հայոց զոմն , որոյ անուն  
 ճանաչիւր Խուղիմայ . ՚ի կասկածի  
 եղեալ մի գուցէ ամբաստանու-  
 թիւնքն զնոցանէ որ վասն թագաւո-  
 րին Յունաց էին ՚ի գլուխ ելանի-  
 ցեն : Եւ իբրեւ եկն ՚ի սահմանս  
 Հայոց , փութացաւ յղեաց կոչնա-  
 կանս զնոցանէ գալ նոցա առ նոսա  
 սիրով խաղաղութեամբ , ոչ ինչ  
 յայանելով զոր ինչ խորհեալ էին  
 զնոցանէ չարիս : Իսկ նոքա քանզի  
 ոչ ինչ գիակին զանձին իւրեանց  
 խիղճ , ելեալ գնացին աներկիւզ  
 համարձակութեամբ զկնի եկելոյ  
 կոչնականացն , թէպէտ և ՚ի կասկած  
 լինէին ՚ի նոցա խարդախութենէն ,  
 և զվերահացութիւն աշխարհին և  
 զգործ իւրեանց տային ՚ի ձեռն  
 Դաւթի Մամիկոնէի , և հաղարա-  
 պեան անց գնաց ՚ի քաղաքն Պար-  
 աւաւ ընդ իւր տանելով զպատուա-  
 կան նախարարսն Արծրունեաց :  
 Եւ իբրեւ հասին անգր զպատուա-

կեալն վասն նոցա չարիս յայտնի  
 կացուցանէր , կամ 'ի բաց կալ 'ի  
 հաւատոցն Քրիստոսի , և կամ մե-  
 աանել խոշտանդանօք . զի զայս  
 խորհեալ նոցա կամ գառնալ յեր-  
 կրրպագութենէն Քրիստոսի և 'ի  
 բաց կալ 'ի հաղորդութենէն Յու-  
 նաց , և կամ մեռանել խոշտանդանօք  
 և այնպէս անկասկածելի մնալ նո-  
 քա 'ի նոցանէ : Եւ տուեալ զնոսա  
 'ի բանգ կապանօք հանգերձ , յը-  
 զէր պատգամս առ նոսա զկարծե-  
 ցեալ խորհուրդսն ապստամբու-  
 թեան 'ի ձեռն այնր իրի բառնալ  
 'ի միջոյ . և պարգեւս և պատիւս  
 մեծամեծս ընդունել նոցա յարքու-  
 նուսա . և եւս 'ի մեծագոյն ձգիլ  
 գահակալութիւնս , և հաւատարիմ  
 լինել 'ի գրան արքունի , և շքեղ և  
 երեւելի ընդ ամենայն կողմանս տէ-  
 րութեանն Տաճկաց զնոսա կացու-  
 ցանել . և յերկրորդական կեղծա-  
 ւորեալ հասուցանել պատիւ : Բայց  
 քանզի հիմնացեալ էր 'ի միտս և 'ի  
 խորհուրդս նոցա հաւատք սուրբ  
 Երրորդութեանն 'ի վերայ առաքե-



լական վիժի հաստատանոյ, իբրեւ ըզ-  
 խազս մանկանց և զառասպելս պա-  
 ռաւանց զառ. 'ի նմանէ խոստովուն-  
 արն համարէին. և իբրեւ զմեքենայ  
 ինչ յամուր պարսպէ 'ի բաց գառ-  
 նային առաքեալքն առ նոսա ար-  
 քանեակք չարին : Դարձեալ վերրու-  
 տին սպառնալիք խաշտանգանաց և  
 կատամահ տանջանք զըսու կենաց  
 նոցա առնել խոստանայր 'ի ձեռն  
 չարաշջուկք գահճացն առ նոսա  
 յղեալ. որում անըմբերելի միաս  
 թուլամարթ վատասրտութեամբ գո-  
 լով ահարկութիւնս Մերհուժտանն  
 այն նախ քան 'ի տանջանս մտեալ  
 մերկացեալ զհաւատոյն զգեստ զառ  
 'ի Քրիստոս մկրտութեան օծումն  
 ձախողակի գիմեցմամբ, անյապազ  
 փութով ել գնաց յանգիման հա-  
 զարապեալին 'ի տեղի կործանմանն,  
 յանձն առնոյր . . . . զօրէնսգրու-  
 թիւն նոցա արագապէս թլփատել :  
 Եւ նա արտաքս իբրեւ զուռն և ցա-  
 մաքեցաւ փութապէս քան զթզե-  
 նին որ ոչ պաղարերեաց անառն  
 իւրում. և ելեալ ի շխանական ճո-

խուժեամբ գալ մտանել յաշխարհն  
 Վասպուրական տիրել փոխանակ  
 եղբարց իւրոց :

Զայս լուեալ Դաւիթ Մամիկո-  
 նեան փուժացաւ վաղվաղակի ընդ  
 առաջ նորա պատահեաց նմա և ե-  
 հատ զգլուխ նորա և եբարձ զնախա-  
 տինս նորա 'ի ասնէն Արծրունեաց :  
 Իսկ երիցս երանելիքն Համազասպ  
 և Սահակ իբրեւ լուան զգլորուծն  
 եղբորն իւրեանց , և զազդեցութիւն  
 չարին 'ի մէջ նոցա , մեծակական ող-  
 բովք գառնասպէս արտասուօք , և  
 անհանդուրժելի հառաչմամբ ձայն  
 ողորմելի բարձրացուցանէին 'ի վեր  
 առ յոյսն իւրեանց Քրիստոս , զի մի  
 գուցէ մերկացեալ լիցին 'ի նախա-  
 խնամութենէ պահպանող ամբա-  
 ծածուկ ձեռացն Աստուծոյ . և մի  
 խրատել գունակ եղբորն թշուա-  
 ռականի , ընդ չարագծնեայ լծակ-  
 ցեսցին հոգևոց , այլ զի կացցեն  
 մնացեն հաստատուն 'ի հաւատման  
 Քրիստոսի յորս լուսաւորեալ կրն-  
 քեցան հոգևովն սրբով : Եւ կային  
 Դային 'ի բանգին . և խնդրէին 'ի

բազում ողորմ Քրիստոսէն գտանել  
պարգեւս հանգիսի մարտիրոսու-  
թեան նահատակութեան :

Իսկ ամենաչարն դարձեալ բար-  
ձրագոյն քան զառաջինն զարբա-  
նեակն իւր ընդգէմ սրբոցն սպառ-  
նալեօք և ահարկութեամբք և ողո-  
քական խաբէութեամբք . զի թե-  
րեւս կարասցէ 'ի վայր կործանել  
զնոսա 'ի հրապոյրս պղտորս մա-  
հածինս . . . օրէնսդրին իւրեանց  
. . . Եւ յանդիմանակաց միմեանց  
ասեան գործեալ հրապարակա-  
կոյտ ամբոխիւ առ պատրանս մոլո-  
րութեան միջնորդելով զայլս ոմանս  
'ի նախարարացն Հայոց որք 'ի հան-  
դիպումն հազարապետին ժամա-  
նեալ եկեալ էին : Իսկ սրբոցն քա-  
ջայուչ մտաւոր բանագինութեամբն  
զառ 'ի Քրիստոս հաւատոցն և աւե-  
տարանական պատմութեամբքն մի  
ըստ միոջէ կարգաբանութեամբ ,  
զանակզբնականութիւնն առ Հայր  
և ըստ ժամանակի տնօրէնութեանն  
հանգէս , և զմիասնական Եր-  
րորդութեանն աստուածաբանու

Թիւն աներկեւզ համարձակու-  
 թեամբ առաջի բռնաւորին համա-  
 ոտ եգեալ, մինչ զարմանալ ընդ  
 համարձակութիւնն նոցա մեծաւ  
 հիացմամբ, յաւելեալ և հայհոյու-  
 թիւն առ գլխաւորն և օրէնսգիրն  
 իւրեանց փոխանակ անուանինգիր  
 գոլ նոցա առ 'ի Քրիստոս հաւատո-  
 ցն 'ի քարոզութենէ մարգարէիցն,  
 և սրբոց առաքելոցն ուղղապատում  
 վկայից աստուածութեանն Քրիս-  
 տոսի :

Ընդ որ յոյժ մտապահ եղեալ  
 նախարարքն ընդ սպառնալիս ակ-  
 րունի ահարկութեանցն զոր եգին  
 առաջի նոցա սուրբքն զասացեալն  
 կենարար Փրկչին թէ Որ գայթա-  
 գղեցուցանէ զմի 'ի փոքրկանցս յայ-  
 ցանէ յիս հաւատացելոց, լաւ էր  
 նմա թէ կախեալ էր քար երկան  
 իշոյ զպարանոցէն և ընկղմեալ 'ի  
 խորս ծովուն . և գարձեալ եթէ  
 լաւ էր մարգոյն եթէ չէր ծնեալ,  
 և գարձեալ եթէ վայ մարգոյն յոր  
 ձեռն գայցէ գայթագղութիւն : Իսկ  
 բռնաւորն զայրացեալ մեծաւ տա-

ապանօք վարանէր իբրեւ զգա-  
 ղանս արիւնարբուս ընդ արհամար-  
 հանս առաջնորդին իւրեանց մու-  
 թութեանն . և ընդ նախատինս կար-  
 ծեցեալ օրէնսգրին իւրեանց կոր-  
 ծանմանն . և յապուշ կրթեալ միտքն  
 և եթէ զինչ խորհեացի չարութիւն  
 զարբոցն անգիտանալ թուէր : Այ-  
 սուհեաեւ հրաման ետ անյապաղ  
 զսաւ առնել կենաց նոցա . և գահ-  
 ճացն առեալ տանէին զնոսա 'ի տե-  
 ղի նահատակութեանն : Իսկ նոցա  
 ճեմս առեալ այսպէս արագաքայլ  
 գնացիւք որպէս յառագաստ հար-  
 սանեաց, որք հրաւիրեալ կոչին ան-  
 արտում ուրախութեամբ առ հան-  
 դէս մարտիրոսութեան գիմեալք :  
 Եւ մինչքեռ զգնային և երթային նո-  
 քտ, սկսան յորդորել զմիմեանս ան-  
 երկեւղ համարձակութեամբ մատ-  
 չել 'ի տեղի մարտիրոսական վը-  
 կայութեանն . և մի ինչ փոյթ յան-  
 ձին ունել հոգ տանել զկենաց .  
 այսինքն զկանանց և զորդւոց, և ա-  
 սեն առ միմեանս . Յուշ լիցին մեզ  
 աւերակք գալստեան յաւոյն մերոյ

Քրիստոսի զոր ասացն . Եթէ ոք Ե-  
 թող զտուն կամ զկին կամ զորդիս  
 կամ զազարակո հալածանօք հան-  
 դերձ վասն իմ կամ վասն տւեաա-  
 րանին , եթէ ոչ առնուցու հարիւ-  
 րապատիկ յաշխարհիս յայսմիկ և 'ի  
 հանդերձեալն որ գալոցն է ըզ-  
 կեանսն յաւիտենականս : Յուշ լի-  
 ցին մեզ Պետրոսի առ Փրկիչն ա-  
 սացեալքն և պատասխանեալքն 'ի  
 փրկչէն . եթէ Դուք որ եկիք զկնի իմ ,  
 'ի միւսանգամ գալստեանն իմում  
 հատուցից ձեզ : Յուշ լիցի մեզ յոր-  
 դորումն փրկչին որ ասացաւն . Ե-  
 թէ ոք կամիցի զկնի իմ գալ՝ ուրաա-  
 ցի զանձնն և առցե զխաչ իւր և Ե-  
 կեոցե զկնի իմ : Յուշ լիցի մեզ յոր-  
 դորումն . Եթէ ոք կամեսցի զանձն  
 իւր կեցուցանել կորուսցե զնա , և  
 որ կորուսցե զանձն իւր գացե զնա :  
 Յուշ լիցի մեզ ստրառնալիք և խոս-  
 տաբանութիւնք փրկչին , որ խոստա-  
 վանողացն և ուրացողացն են խոստ-  
 մունք . մի սպասցուք երթալ զհեա  
 կոչողին 'ի յաւիտենական համ-  
 դիսան , առնուլ 'ի մեզ զքաղցր

ուժն , և զթեթեւ բերանն . ոչ  
 խայել է աշխատասէր մշակի մեռն  
 բնաճով արկանել և հայել յե-  
 սոյան : Աչ ոք զինուոր 'ի ճգունս աշ-  
 խատասիրեալ , և 'ի կարգս զինուոր  
 տախանս ուրուշեալ , պատասղմունս  
 աշխարհանց զինքեամբ շուրջ գիցէ .  
 եղծանել զմարտնչելն ըստ օրինին ,  
 և յեանեալ գտանիցի 'ի պատկողին  
 հատուցմանց . մի զարհուրեացուք  
 յայնցանէ որ սպանանեն զմարմինն  
 և այլ աւելի ինչ ոչ կարեն առնել .  
 ճամբերութեամբ մերով ստացուք  
 լուգիս մեր . հայնացուք 'ի զբա-  
 իշտին հաւասար և 'ի կատարին  
 Յիսուս . զի որում կալ մեալն էր  
 ետաղաղութիւն 'ի միառօրնութեան  
 սատուածութեան իւրոյ , զան մեր  
 մեղաւորացս հնազանդ եղեւ մա-  
 հու խաչի . ապա և մեք պարտիմք  
 լանն նորա մեռանել , մանաւանդ  
 թէ զան մեր իսկ . և եթէ արգարն  
 ի վերայ անարգարոցս մեռաւ , ա-  
 պա և մեք պարտիմք երթալ զհետ  
 զիննակի հետոց մահու նորա : Մի  
 սմօթ համարեացուք վիայ լինել աւ .

առւածութեան նորա մահուամբ  
 մերով, զի մի և Քրիստոս յամօր  
 արասցէ զմեզ յորժամ գայցէ փա  
 ռօք Հօր իւրոյ և հրեշաակաց սրբոց  
 որպէս և գրեալ է : Եւ եւս բա  
 զում օրինակ յորդորմանց մի ըս  
 միոջէ կարգեցին եղին առ մի  
 մեանս . կալ մնալ հաստատուն ի  
 հաւատան Քրիստոսի , բարիոք հա  
 մարել զմեռանելն վասն սիրոյ նո  
 րա , քան առ ժամանակօքս յօրա  
 նալ , և արտաքս մնալ երկնաքաղա  
 քացի ճօխութեան փառաց սրբոց  
 Երրորդութեանն :

Երթայր զկնի նոցա և բանաւորն  
 հանգերձ նախարարօքն Հայոց և  
 այլ բազմամբոխ գասս ՚ի քաղաքն  
 ՚ի տեսիլ նահատակութեանն սրբ  
 բոցն . ձայն զկնի արձակեալ բանա  
 ւորին ասէ . Ընդէր տարապարտ մե  
 ռանիք անունկնդիր իմոյ քաղցած  
 ջիւն ողորական բանիցս շատացեալ  
 ձեզ լսարան . գարձարուք ՚ի յա  
 մառեալ իմացմանց այսի անտակ  
 և կեցջիք ընդ մեզ : Սուրբքն ասեն  
 Լուսք Քրիստոսի աւերարէր



կենսածին վարդապետութեանն, և նմա ծառայեցուցաք զլսելիս մեր . որով սրբեցաւ առաջին ազտեղութիւն բանսարկուին . մի լիցի լսել մեզ դարձեալ կործանող և գառնաշունչ ձայնի քո , որ 'ի կորուսանգիւտ ձգէ զմեզ . պարգեւք քո և վայելք քեզ և նմանեաց քոց եղիցին , և մի մեզ որ հասեալ եմք 'ի վերայ ճշմարտութեանն . 'ի ճաշակմանէ Հոգւոյն սրբոյ կրթարանէ առ 'ի յընարել զքարի և զլար . որով մահու հաճոյ թուի քեզ կատարեա զհրաման բռնաւորին քո և 'ի նմա զորջացելոյն սատանայի . միք պատրաստ եմք մեռանել իբրեւ զոչխարս վասն մեր կախեցելոյն զքիայտէ գառինն անմահի , որ բառնայ զմեզս աշխարհի :

Եւ կրեւ հասին յասպարէզ նահատակութեանն , և գահիճքն ըզսուսերսն կազմն ըստ հրամանի բռնաւորին . և սուրբքն կացեալ 'ի հանգիպօջ մեկուսի յամբօխէն , ծուներ կրկնեալ յորգահոս արասսուզք , ազօթս արարեալ առ Քրիստոս :

տոս զի հասցէ յօգնականութիւն  
 նոցա զօրացուցանել զնոսա անվե-  
 հեր մտք մատչել 'ի տեղի զինմանն  
 բանաւոր պատարագին . և սպա-  
 սաւորաց շարին մատուցեալ սրով 'ի  
 կատարումն սրբոցն գլխաւորել կա-  
 մելով ըստ հրամանի բանաւորին :  
 Յայնժամ երկցագոյնն Համազասպ  
 պսէ ցերանելին Սահակ . կրտսեր  
 ըստ մարմնոյ հանգիպեալ իմում եզ-  
 բայրութեանս , այժմ անգրանիկ վե-  
 կայ լինիցիս քան զիս փոքր իմն թուե-  
 ցեալ առ իմով իշխանութեամբս .  
 արդ առաջին դահանստեալ լինի-  
 ջիւր առաջին քոյով մարտիւրոսա-  
 կան վկայութեամբդ . առաջին բա-  
 ժակաւն զմայլեալք ուրախ լինէաք  
 'ի բազմականսն մարմնական խրախ-  
 ճանութեամբ , այժմ գու առաջ  
 արդեցեալ զբաժակ փրկութեանն  
 Քրիստոսի և փառաւոր լիցի անուն  
 տեառն 'ի քում նահատակու-  
 թեանդ : Իսկ սուրբն Սահակ իբրեւ  
 'ի հրահանգարանէ վարժող գաս-  
 տիարակէ յառաջեալ ընդգէմ  
 սրջն և կնքեալ զամենայն զգայա-

րանսն նշանաւ սուրբ խաչին , ա-  
ռաջի սրոյն զպարանոցն խոնարհե-  
ցուցեալ և դահճին ձգեալ զսուրն  
եհատ զգլուխ երանելոյն :

Յայնժամ սրբոյն Համազասպայ  
համբարձեալ զձեռս իւր յերկինս  
ասէ . Գոհանամ զքէն հայր տեառն  
մերոյ Յիսուսի Քրիստոսի որ ար-  
ժանի արարեր զմեզ մեռանել վասն  
անուանգ քում սրտոյ , պահելով  
զյոյսն մեր հաստատուն որ 'ի քեզ .  
և ուրախ արարեր զմեզ մխիթարիչ  
Հոգւովք քո սրբով 'ի մեզ բնակե-  
լոյ , արհամարհելով զփառս անցա-  
ւորս և զլքանելիս , մերկանալով ըզ-  
հին մարգն և զգե՛նուլ զնորն որ է  
պաակեր Որգւոյ քո , որ հրաւի-  
րեաց զմեզ 'ի կոչումն երկնաւոր  
հարսանեացք : Փառք քեզ սուրբ և  
զուգահաւասար Երբորդութեանն .  
որ նախաժամանեցուցեր զեզբայրն  
իմ հանդիսանալ և յազթել հակա-  
ռակորդին . և ուրախ արարեր զես  
քաժակաւ յորդասոս վտակաւ հեզ  
մամբ արեամբ Սահակայ , որոյ ա-  
նունն խնդութիւն թարգմանեալ է :

Լուր տէր խնդրուածոյ խմոյ հեղ-  
 մամբ արեան ծառայիս քո որ կա-  
 մաւորաբար զմեռանիլ յանձն էառ-  
 վանն փառաւորեալ անուանդ քո  
 մեծի և ահաւորի, լինել զկայ կա-  
 տարեալ քո ճշմարիտ աստուածու-  
 թեանդ, որոյ էութիւն Երրորդու-  
 թեանդ ոչ է բաժանեալ անորինա-  
 բար 'ի խոստովանութեանս մերում,  
 և անձնաւորութիւն երկից դիմաց և  
 աստուածութեանդ ոչ է շփոթեալ  
 'ի զկայութեանս մերում ըստ ամսա-  
 ընշտ խելադարութեան նեղչաց մե-  
 ըոց • որոց աստանօր կրեմք զզկայա-  
 կան տանջանս : Այս է ժամանակն  
 կանխասացութեան քո զոր ցուցեր  
 խորհրդակրաց աշխարհի, եթէ ե-  
 կեսցէ ժամանակ զի որ սպանանի-  
 ցեն զձեզ համարեացին սաշտօն մա-  
 տուցանել Աստուծոյ : Արդ ընկալ  
 տէր զբանական սաշտօն զենմանս  
 մերում 'ի փառս Արդւոյ քո և 'ի  
 պատիւ զուգափառ Հոգւոյդ նո-  
 ըողոյն զարարածս քո : Լուր տէր  
 պաղատանաց ծառայիս քո և ար-  
 ժանի արա խառնիլ արեանս խմոյ

յարիւն եղբօրն իմոյ, որ վասն արեան սրբոյ հեղման որ վասն մեր հեղեր. զի միաբանեալ վկայական ճգնութեամբ փառաւորեսցի անուն քո 'ի նահատակութեանս մերում. զի քո է իշխանութիւն և փառք յաւիտեանս յաւիտենից. ամէն :

Գարձեալ համբարձեալ սուրբն զձեռս իւր յերկինս լի հառաչանօք վտակայեղց արտասուօք հարուստ մի ժամ աղօթս վասն աշխարհիս և նորուն բնակչաց, և որք զկնի իւրեանց տիրել հանդերձեալ էին, մատուցանէր այսպէս ասելով. Քրիստոս փրկիչ աշխարհի, յերկրի երեւելով քո խաղաղութիւն աւետարանեցեր 'ի ձեռն աշակերտաց քոց, մի անտես առներ և այժմ զաղաչանս ծառայիս քո և դարձուցես զցասումն քո. և անցուցես զյարձակմունս թշնամեաց, և խաղաղացուցես զեկեղեցի քո խաղաղութեամբդ որ ոչ անցանէ, զօրավարաց և զօրաց հայաստան աշխարհիս բարեյաղթու-

Թեևան շնորհս ընդգրեմ պատերազմեալացն շնորհեացես և գրնակիչս երկրի գաղարեցուացես 'ի վեզովմանց հոգևաց հարաւային յուզմանց, որ խառվէ զմեզ. և զամենայն պետս երկրպագուաց քոց լցուացես 'ի բարեխառնութենէ օգոց և 'ի շայեկան անձրեւաց, և 'ի բաւակաւ նարախ անձրեւաց ջուրց. և զօրացուացես զտկարութիւն ժողովրդեան քա բովանգակ ամենայնիւ 'ի Քրիստոս. զի քա է կարողութիւն և զօրութիւն և պատիւ և փառք յաւիտեանս. ամեն:

Եւ խոնարհեցուցեալ երանելւոյն զգարանացն ծունր կրկնեալ, նոյն ժամայն դահիճն ձգեալ զաւրն եհաս զգլուխ սրբոյ վկային Հա մազասպայ: Ազբա այսպէս կատարեցան ցանկալի մահաւամբ և բարի խոստովանութեամբ, յիշատակ բարի լնողին յաշխարհի, 'ի պարծանս եկեղեցւոյ և 'ի փառս սրբոյ Երբորգութեանն. յաւիտեանս յաւիտեանից. ամեն:

## ԾԱՆՕԹՈՒԹԻՒՆՆԵՐ

\* Ի հնգից օրինակաց զառաջիկայս յերկրեցաք ապագիր . Հնագոյնն երկաթագիր . Երկքն ՈՂԳ . ՈՂԳ . ՌՁԶ . և մեւսն նոր : Իսկ թէ յորո՞ւմ ժամանակի Սիսիտնոսս այս եկաց Հայոց վարդապետ , չունիմք տակչ հաւաստեալ :

- 1 . Գրեալ էր 'ի Ճենճէրուզն . այլք զհոփն :
- 2 . Մի օրինակ բազմերանէան :
- 3 . Հնագոյնն վայաբանաւիւեան . . զի ճասփս փխրաւիւեան :
- 4 . Երկու նոր օր . կարալեալ :
- 5 . Երկք օրին . Բարեգալքան :
- 6 . Մի օրին . ճուրախան . . 'ի Քրիստոս հաւաքոցն Ռախարհուսցրդ :
- 7 . Երկու նոր օր . զհաստաբալիան :

- 8 . Մի օրին . անձուակ :  
 9 . Մի օրին . իմաստաբար :  
 10 . Մի օր . ահ անցուսցեն ընդ  
 նոսա :  
 11 . Մի օրին . յաղլեւ արիւնստոր  
 հին . և :  
 12 . Հնազոյնն 'ի յետինս :  
 13 . Այլ ասցին թելով խորասկեալ կամ  
 ասցին թելով կամ կամելով խորասկեալ :  
 14 . Մի օրին . Բարձրաձիգն :  
 15 . Երկու նոր օր . հայցողութեամբ :  
 16 . Երկու նոր օր . հագեալաց :  
 17 . Այլք լարաց :  
 18 . Երեք օր . 'ի իտաճուլութեանն . .  
 անօխոց քան ջանարանացն :  
 19 . Հնազոյնն յաւլովագոյն :  
 20 . Երկու նոր օր . ճարճապիւն . .  
 հասէր սասակաբար :  
 21 . Մի օր . զանսովորական կարմիրն . .  
 հիւսասական :  
 22 . Երեք օր . եղեմաբարկու :  
 23 . Երկու նոր օր . սատնաբէր :  
 24 . Երկու օր . ուրուշեացոս :  
 25 . Մի օր . անխախտոս :  
 26 . Մի օր . յեղախոխեալս :  
 27 . Մի օր . անարաս և անխաղէի . .



- անաշտակ Գիշերոյն . Երկու նորքն  
 սերն անխալելի ատ :
- 28 . Մի օր . Ինչ-ը երեց Ռշտա-  
 անիան :
- 29 . Այլք պսակեցաւ :
- 30 . Երեք օր . յաշխարհն :
- 31 . Երկու նորքն շաշտաւաւ ճամբ .  
 ու . . յոյն աղեխարչանաց . . պսակել  
 հասասար միւսիւ :
- 32 . Հնագոյնն յարգեաւ իայ :
- 33 . Մի օր . այսպիսի Բաւանդակ օրհ .  
 նաւեմբ :
- 34 . Հնագոյնն ծովահերթի :
- 35 . Մի օր . դատնաշունչ յեղատո-  
 իի-ը . . լուծաւ պարզն :
- 36 . Երեք օր . արքայեցեալ . մի օր .  
 երեւեալ :
- 37 . Հնագոյնն և երկու նորքն Ին-  
 չնիս :
- 38 . Մի օր . զարմանայր ընդ փետու-  
 թեան գործն :
- 39 . Երկու նորքն զբանդապետն :
- 40 . Մի օր . յորտորանախանձի . այլ  
 օր . յարդարեալ :
- 41 . Մի օր . իանդաղապսիան :
- 42 . Երկու նորքն զաղապսուսիւն :

- 43 . Մի օր . նոյն հէփ այնժ եւ հոսրն :
- 44 . Հնազոյնն եղլեւիքն :
- 45 . Երեք օր . սանայնախորհքն :
- 46 . Մի օր . բախճանան :
- 47 . Երկու նորքն իւրեանց հէջատ-  
բար :
- 48 . Մի օրին . հրկիւ :
- 49 . Հնազոյնն քարազանիւնն :
- 50 . Այլապէս ըստ միոյ ՚ի նոր օր .  
այլք սին է կամ անդն է կամ  
օգնէ :
- 51 . Երեք օր . շահաւիւնն :
- 52 . Մի օրին . սփռաւիւնն :
- 53 . Հնազոյնն հասարակագիր :
- 54 . Երկու նորքն գրոյ խորհրդա-  
բեր է :
- 55 . Մի օրին . խորհրդածեցեա :
- 56 . Հնազոյնն յարեցոյց :
- 57 . Այլք մարմնականաց կամ մարմնոյ  
պարտական ականց . . շարաւար յա-  
լեալ մարմնոցն կամ շարաւարեալ շա-  
րաւար յալեալ :
- 58 . Երկու օր . զամենայն երկրային  
կամ երկրաւոր :
- 59 . Մի օր . արքայաւարտ ազօրիւն :
- 60 . Մի օր . պարտականաց :

- 61 . Հնազոյնն Բլլալիդէմ :  
 62 . Մի օրին . Կամատուխան :  
 63 . Այլք արգիլիմ կամ արգե-  
 լում :  
 64 . Երեք օր . Էրկայնայիմ :  
 65 . Մի օր . լուսոյ աշտանով յասիւոյ  
 արհոյ Բարձու Ղահիդ փոխանով :  
 66 . Երեք օր . կայտոսոյ . մի օր .  
 իաշտանոյ :  
 67 . Հնազոյնն զգէրփոյ :  
 68 . Երկու նորքն գէղնոփայլ :  
 69 . Մի օր . արհատաւ . այլ օր .  
 արտասուտաւ :  
 70 . Այլք չունին մէ և զինի այլ  
 խանարհ :  
 71 . Հնազոյնն աղիքովիտալեալ ե . .  
 ոփնափոփ :  
 72 . Մի օր . զուխոս :  
 73 . Հնազոյնն զբան Աստուծոյ զար-  
 ձնաւորաբան :  
 74 . Երկու նորքն , Էրկատալտին :  
 75 . Մի օր . և ունուտուխան ընդ  
 չօր :  
 76 . Մարզպան 'ի տանէն Արծրու-  
 նեաց թէպէտեւ վկայագիրս ըզ-  
 Համազասպ կոչիցէ , սակայն ոչ




# Յ Ա Ն Կ

## ԺԲ . ՀԱՑՈՐՈՅ

Սիսիանու Հայոց վարդապետի ներբողեան 'ի սուրբ Քառա- սունոն . . . . .	5
Վկայաբանութիւն սրբոց իշխա- նացն Համադասպայ և Սա- հակայ . . . . .	61





## ՍՈՓԵՐՔ ՀԱՅԿԱԿԱՆՔ

- Ա. Բանք նախնի իմաստասիրացն Եռնաց :
- Բ. Սրբոյն Սահակայ պատմութիւն վարուց ,  
Տեսիլ , Խրատք և Թուղթք :
- Գ. Յովհաննու Սարկաւազայ Ճառ յաղագս  
Քահանայութեան :
- Դ. Յովհաննու Ոսկերեւանի և Գրիգորի տաղ-  
կաւազատկարի ներբողեան 'ի Ս. Գրի-  
գոր Լուսաւորիչ :
- Ե. Յովհաննու Սարկաւազայ , Վարդանայ  
Բարձրբերդցւոյ և Յովհաննու Երզնկա-  
ցւոյ ներբողեան 'ի Ս. Գրիգոր Լուսա-  
ւորիչ :
- Զ | Պատմութիւն Սրբոյն ներսիսի Պարթևի  
Է | Հայոց Հայրապետի :
- Ը. Վկայարանութիւն Թաղէտի առաքելոյ և  
Սանդխտոյ Գուսին :
- Թ. Վկայարանութիւն Հուշանկան :
- Ժ. ներբող . յարդիս և 'ի Թոռունս Լուսա-  
ւորչին :
- ԺԱ. Վարք Ս. Մեարտապայ և Եղիշի :
- ԺԲ. ներբող 'ի Ս. Քառասունն , և Վարք  
Ս. Սահակայ և Համազասպայ :





